


袁氏通鑑紀事本末撮要

(一)

據國家圖書館藏宋刻本影
印原書版框高十八·九釐
米寬十三釐米



木主

袁氏通鑑紀事本末撮要目錄



建安袁表

文子行

編

○卷之一

二家分晉



孫并六國



豪傑亡秦



高帝滅秦



諸將之叛

匈奴之叛



梁孝王驕恣

漢通西域

漢通西南夷

武帝感神抵

○卷之二

霍光廢立

趙充國破羌

匈奴歸漢

恭顯用事

董賢嬖倖

王莽篡漢

光武中興

光武平赤眉

光武平漁陽

光武平齊

光武平隴蜀

楚王英之獄

馬后抑外家

竇氏專恣

○卷之三

西域歸附

兩匈奴叛服

宦官亡漢

黨錮之禍

董卓之亂

黃巾之亂

袁紹討公孫瓚

曹氏篡漢

孫氏據江東

劉備據蜀

○卷之四

諸葛亮出師

吳侵淮南

司馬氏篡漢

西晉之亂賈氏 趙王

諸葛亮平南中

魏滅蜀

晉滅吳

江左中興

○卷之五

祖逖北伐

拓拔興魏

元魏寇宋

宋明帝北伐

元魏寇齊

元魏之亂

江左經畧中原

劉裕篡晉

宋文圖恢復

蕭道成篡宋

蕭衍篡齊

○卷之六

魏分東西

宇文篡西魏後周

梁氏亂亡

周滅齊

隋滅陳

高氏篡東魏北齊

侯景之亂

陳霸先篡梁

楊堅篡周

煬帝亡隋

○卷之七

高祖興唐

唐平河朔竇建德

唐平河西李軌

唐平江陵蕭銑

安史之亂

憲宗平吳李錡

憲宗討成德王承宗

唐平東都李密 王世充

唐平隴右薛平

唐平河東劉武周

武韋之禍

憲宗平蜀劉闢

魏博歸朝田洪正

○卷之八

德宗平淮蔡

吳元濟

憲宗討淄青

李師道

朱溫篡唐

藩鎮之亂

後唐滅梁

石晉篡唐

契丹滅晉

劉知遠興漢

郭威篡漢

表以通鑑紀事本末撮要目錄

表氏通鑑紀事本末撮要卷之一

建安蔡李行之撮

三家分晉

魏趙韓

魏趙韓

威烈王二十三年初命晉大夫魏斯趙籍韓宣惠為

初趙襄子卒弟亘子立一年卒孫獻子浣立浣生籍是為烈

侯韓康子生武子武子生虔是為景侯魏斯者亘子之

孫也是為文侯以上詳見周威烈王紀

秦并六國起周顯王七年迄始皇二十六年

顯王七年秦獻公薨子孝公立布德脩政欲以彊秦八

年衛公孫鞅入秦見孝公說以富國彊兵之術十九年築

冀闕宮庭於咸陽徙都之廢井田開阡陌二十一年更為

賦稅澧澤三十一年秦孝公薨子惠文王立三十六年蘇

秦說秦王以兼天下之術秦主不用蘇秦乃去說燕文公文

公從之資蘇秦車馬以說趙肅侯肅侯大悅於是說韓宣惠

王說魏說齊說楚威王為從約長并相六國三十七年秦

使犀首欺齊魏與共伐趙以敗從約蘇秦去趙從約復解

四十四年秦初稱王詳見周顯王紀

親王三年趙竊韓魏間伐秦攻函公關五國皆敗走四年

張儀說魏襄王背從約請成于秦五年秦起兵伐蜀取之

蜀既屬秦秦益以彊輕諸侯以上詳見周顯王紀

赧王二年秦欲伐齊患齊之從親乃使張儀說楚王請獻商

於之地六百里楚王說而許之乃以相印授張儀使勇士至

宋借宋之符北罵齊王齊王大怒折節事秦四年張儀說

楚王事秦許之遂之韓說韓王莫如事秦而攻楚韓王許之

歸報秦王封以六邑復使東說齊王西說趙王比說燕王張

儀歸報未至咸陽秦惠文王薨子武王立不說張儀諸侯聞

儀與秦王有隙皆相攜復合從八年秦武王薨毋弟稷立

是為昭襄王十六年楚王入秦秦人留之十八年楚懷

卷之九

王薨于秦諸侯由是不直秦 二十二年趙王得楚和氏璧秦昭王欲之請易以十五城蘭相如秦璧而往秦王無意償趙城 四十五年秦伐趙圍閼與趙奢解閼與而還 五十二年秦武安君伐韓拔野王上黨路絕 五十五年秦左庶長王翳攻上黨拔之因伐趙趙師大敗卒四十萬人皆降盡坑殺之 五十七年秦攻邯鄲趙王使平原君求救於楚楚春申君將兵救趙大敗秦師于邯鄲 五十九年秦攻西周周赧王入秦盡獻其邑 以昭見周赧王紀

秦 昭襄王五十六年薨子孝文王立 孝文王即位二日薨子楚立是為上襄王 昭襄王紀

莊襄王元年東周君與諸侯謀伐秦秦滅之 二年王薨太子政立是為始皇帝 昭襄王紀

始皇帝六年楚趙魏韓合從以伐秦秦王從長長秦師出五國之師皆敗走 十四年韓王納地請為藩臣 十七年滅

韓以其地置潁川郡 十九年王翳擊趙軍大破之虜趙王 二十二年伐魏魏王假降殺之遂滅魏 王翳將六十

萬人伐楚 二十四年王則虜楚王負芻以其地置楚郡 二十五年王賁攻遼東虜燕王喜 二十六年王賁自燕南

攻齊齊王遂降秦王之共餓而死 昭襄王紀

秦 始皇帝二十六年初并天下更號曰始皇帝後世以計數

二世三世至于萬世 分天下為三十六郡郡置守尉監牧 天下兵 二十八年東行郡縣上鄒嶧山立石頭功德 三

十二年巡北邊遣蒙恬發兵三十萬人北伐匈奴收河南地 築長城 二十四年制天下有藏詩書百家語者詣守尉雜

燒之有偶語詩書者棄市以古非今者族 二十五年作阿房宮 三十七年始皇崩胡亥襲位是為二世皇帝 昭襄王紀

二世元年陽城人陳勝陽夏人吳廣起兵於斬勝自立為將

秦紀 始皇三十六年 高祖元年

軍。厲為都討。入據陳涉自立為王。陳勝字涉諸郡縣苦秦苛法

爭殺長吏以應涉。沛人劉邦起兵於沛下相人項梁起兵

於吳狄人田儻起兵於齊沛公老乃率子弟共殺沛令開門

迎劉季。劉邦字季立以為沛公蕭曹等為收沛子弟得三千人

項梁起吳中兵得八千人為會稽太守兄子羽為裨將徇下

縣田儻故齊王族自立為齊王率兵東定齊地。二年李斯

行督責益嚴刑者相半於道秦民駭懼思亂。懷王遣沛公

西入關。三年丞相趙高專恣陰與其婿閻樂謀乃置上更

立子嬰。二世自殺。沛公兵至藍田秦兵大敗。以見秦之

高祖元年沛公全霸上秦王子嬰降項羽引兵屠咸陽殺

子嬰高帝滅楚。隱素二世二年國漢五年

二世二年初懷王與諸將約先入定關中者王之項羽怨

秦願與沛公西入關懷王不許羽而遣沛公。以見秦之

高祖元年沛公西入咸陽與父老約法三章餘悉除去秦

法項羽至關聞沛公已定關中大怒攻破函谷關沛公見項

羽鴻門羽引兵西屠咸陽殺秦降王子嬰。羽陽尊懷王為

義帝徙都郴分天下王諸將羽自立為西楚霸王王梁楚地

九郡都彭城立沛公為漢王王巴蜀漢中都南鄭三分關中

王秦降將章邯等二人以距塞漢路漢王怒欲攻項羽蕭何

諫乃就國以何為丞相。張良說漢王燒絕所過棧道。韓

信為治粟都尉與蕭何語在音之數言王王召信拜大將遂

聽信計引兵出襲雍雍王卬戰敗走塞王卬翟王翳皆降

二年項王密使九江王布等擊殺義帝。漢王至洛陽新城

三老董公遮說漢王為義帝發喪告諸侯項擊楚之殺義帝

者趙王陳餘遣兵助漢。項王雖聞漢東欲遂攻齊而後擊

漢漢王以故得率諸侯兵凡五十六萬人伐楚遂入彭城項

王聞之自以精兵二萬人入。漢軍於睢水。漢王至滎陽

軍復大振築甬道取敖倉粟蕭何守關中韓濞調兵以給

軍韓信擊虜魏王豹悉定魏地請兵三萬人願以北舉燕

趙東擊齊南絕楚掠道漢王許之遣張耳與俱二年韓信

擊趙出背水陣大破趙軍禽趙王歇發使使燕燕從風而靡

漢王與酈食其謀撓楚權食其曰陛下能復立六國後楚

必斂衽而朝漢王曰善趣刻印張良從外來漢王具以告良

良借箸為王籌之其不可者漢王令趣銷印漢王出黃

金四萬斤與陳平縱反間於是項羽果不信鍾離昧等楚

圍漢王於滎陽急漢王請和割滎陽以西者為漢亞父勸羽

急攻項王疑亞父不聽將軍紀信誑楚漢王得遁去漢王

至成皐收兵羽圍成皐漢王遁北渡河自稱漢使馳入趙壁

張耳韓信未起即其卧内奪其符印以麾召諸將易置之楚

遂拔成皐將軍劉賈入楚地佐彭越燒楚積聚四年信

龍破齊歷下軍遂至臨淄齊王東走高密漢王引兵渡河

復取成皐軍廣武項羽與漢相守項王謂漢王曰願與挑戰

決雌雄漢王曰吾寧關智不關力數羽十罪韓信已定臨

淄遂東追齊王項羽使龍且將兵救齊韓信擊殺龍且虜齊

王遂定齊地項羽自知少助食盡韓信又進兵與漢約中

分天下割洪溝以西為漢以東為楚引兵解而東歸五年

漢王追項羽至固陵韓信彭越皆引兵來項羽夜聞漢軍四

面皆楚歌乃大驚潰圍南走至東城自刎而死楚地悉定獨

魯不下乃持羽頭以示之魯降漢王即皇帝位于汜水之

陽置酒洛陽南宮即日車駕西都長安

諸將之叛韓信陳稀彭越黥布

高祖四年韓信定齊地使人請為假王以鎮之漢王大

怒張良陳平躡漢王足曰漢方不利寧能禁信之自王乎不

如因而立之漢王亦悟遣張良操印立韓信為齊王勸其兵

擊楚項王使武涉往說齊王信曰當今一王之事權在足

下足下與項王有故何不反漢與楚連和二分天下王之信
謝曰夫人深親信我我皆之不祥 蒯徹以相人之術說信
信猶豫不忍背漢 五年漢王追項羽至固陵與齊王信魏
相國越期會擊秦信越不至張良曰今能取睢陽以北至穀
城皆以王故越從陳以東傳海與齊王信使自為軍則楚易
破也漢王從之於是信說皆引兵來 漢王還至定陶馳入
齊王信壁奪其軍更立信為楚王王淮北都下邳封魏相國
彭越為梁王王魏故地都定陶 六年人有告信反者帝偽
游雲夢會諸侯於陳信謂上上令武士縛信至洛陽赦為淮
陰侯 十年初上以陽夏侯陳稀為相國監趙代兵稀過辭
淮陰侯淮陰侯擊其手曰公所居天下精兵處吾為公從中
起天下可圖也陳稀曰謹奉教遂與王黃等反自立為代王
初夏趙代上自擊之多以金購稀將稀將多降 十一年淮
陰侯韓信陰使人至稀所通謀其舍人弟上變告呂后使武
士縛信斬之夷信三族 上之擊陳稀也徵兵於梁梁王繆
病使將將兵詣邯鄲上怒梁王恐其將屠輒勸王反梁王不
聽梁太僕得罪告梁王與卷謀反上赦以為庶人傳處蜀書
衣呂后白上曰彭王壯士今徙之蜀自遺患使其舍人告彭
越復謀反夷越三族 初淮陰侯死淮南王黥布已心恐及
彭越誅醢其肉以賜諸侯布大恐發兵反上自將兵而東
十二年布軍敗走江南上令別將追之番陽人殺布於鄉民
田舍

匈奴和親

匈奴和親 武帝建元六年 匈奴和親 武帝建元六年

六年韓王信以為馬邑降匈奴匈奴冒頓攻太原至晉

陽 七年上自將擊韓王信居晉陽聞冒頓居代谷可擊帝
先至平城兵未盡到冒頓縱精兵四十萬騎圍帝於白登七
日乃解圍 九年上取家人子名為長公主以妻單于使監

敬往結和親約

匈奴和親 武帝建元六年

城當作陽

三年以宗室女為公主嫁匈奴冒頓單于 是時冒頓方彊為書遣高后辭極數嫚高后議斬其使自發兵擊之李布曰夷狄讐如禽獸得其善言不足喜惡言不足怒高后曰善報書深自謙抑以謝之冒頓因獻馬遂和親

十一年匈奴數為邊患龜錯上言兵事上怒其言莫民徙塞下 十四年匈奴老上單于十四萬騎入朝那蕭關遂至彭城上親勞軍自欲征匈奴皇太后固要乃止於是以張

相如擊之遂出塞乃還 後六年匈奴入上郡雲中以周亞夫為將軍以細柳劉禮為將軍次霸上徐厲為將軍次棘門以備胡上自勞軍至細柳匈奴亦遠塞漢兵亦罷

元年遣御史大夫青至代下與匈奴和親 一二年與匈奴和親

諸呂之變 高祖十年文帝元年

十年戚姬有寵於上生趙王如意上以太子仁弱欲廢而立趙王御史大夫周昌廷爭之彊上欣然而笑符璽御史趙堯請為趙王置貴璽相上乃以昌相趙以堯代昌為御史大夫 十二年上從破黥布歸愈欲易太子張良諫不聽

叔孫通諫時大臣固爭者多上知羣臣心皆不附趙王乃止不立

元年帝出射趙王少太后使人持醪飲之趙王已死太后遂斷戚夫人手足使居廁中命曰人彘居數日召帝觀人彘帝以此不聽政 七年帝崩

太后議欲立諸呂為王右丞相陵曰今王諸呂非約也左丞相平太尉勃曰太后稱制王諸呂無所不可 四年廢少帝立相山王義為帝 七年諸呂擅權用事彈朱虛侯 陳平患諸呂力不能制陸賈曰尹何不交驩太尉平用其計兩人深相得呂氏謀益衰 八年太后崩呂祿呂產欲

作亂猶豫未決太尉將北軍分部悉捕諸呂無少長皆斬之

迎立代王

文帝元年論誅諸呂功後朝上表盡莊丞相益畏

七國之叛

漢景帝三年初文帝時吳太子入見得侍皇太子飲博爭道不恭皇太子引博局提殺之吳王由此不朝京師始有反謀文帝賜吳王几杖老不朝吳得釋其罪 鼂錯數上書言吳過可削之帝寬不忍罰以此吳日益橫 帝即位錯說上今削之亦反不削亦反削之反遲禍小不削反遲禍大上合公卿列侯雜議莫敢難 楚王戊來朝前東海郡趙王有罪削常山郡膠西王卬削其六縣廷臣方議削吳吳王怒因發謀舉事發使遺諸侯書罪狀鼂錯欲合兵誅之書聞上拜周亞夫為太尉將三十六將軍往擊吳楚鄼寄擊趙爰布擊齊吳相袁盎入見對上曰方今計獨有斬錯赦七國復其故地則兵可毋血刃而俱罷上默然召錯斬東市 亞夫乘六傳會兵綏陽堅壁不出吳楚士卒多飢死亞夫出精兵追擊大破之 吳楚反凡二日皆破滅

梁孝王驕縱

漢景帝二年梁孝王以竇太后少子故有寵居天下膏腴地大治宮室每入朝上疏請留且半歲 三年梁孝王來朝時上未置太子與梁王宴飲從容言曰千秋萬歲後傳於王梁王以此益驕 中二年太子之廢也太后意欲以梁王為嗣帝曰諾袁盎等曰不可太后遂不復言梁王陰使人刺殺袁盎等上遣田叔往按梁事太后憂不食日夜泣不止帝亦患之田叔按梁事來悉燒梁之獄辭謂太后曰梁王無恙太后立起梁王謝罪太后帝大喜相與刃復好故

漢通西南夷

漢武帝元朔二年公孫弘為御史大夫是時方通西南夷東置蒼海北築朔方之郡弘數諫願罷之天子使朱買臣等難

以置朔方之便。發十策，弘不得其一。元狩元年，初張騫自月氏還，為天子言身毒國去蜀不遠。天子欣然，令騫因蜀犍為發間使王然子等四道並出，始通滇國。使者還，盛言滇大國，天子注意，乃復事南夷。

漢通西域

漢武帝 元狩元年，初張騫自月氏還，具為天子言大夏去漢萬二千里，居漢西南，身毒國又居大夏東南數千里。有蜀物，此去蜀不遠。天子欣然，以騫言為然。元鼎六年，博望侯張騫既以通西域，尊貴其吏士，爭上書言外國可怪利害。元封三年，將軍趙破奴擊車師，因率兵以困烏孫。大宛之屬，於是酒泉列亭障至玉門矣。太初元年，漢使入西域者言宛有善馬，在貳師城，乃拜李夫人兄廣利為貳師將軍，以伐宛。二年，貳師兵至宛，宛貴人殺王毋寡，出善馬。漢取數十匹，立宛貴人昧蔡為死王與盟，而罷兵。自大宛破後，漢使入西域者共得職。

昭帝 元鳳四年，傅介子使大宛，詔令責樓蘭龜茲。其王皆謝服。介子刺樓蘭王，立王弟屠屠者，更名其國曰鄯善。

宣帝 元康元年，上令群臣舉可使西域者。前將軍韓增舉馮奉世以衛候使持節，送大宛諸國客至伊循城。會故莎車王弟呼屠徵與旁國共殺其王，馮年及漢使者奚充國自立為王。

成帝 建始四年，西域都護段會宗為烏孫兵所圍，驛騎上書，願發城郭燉煌兵以自救。陳湯曰：不出五日，當有吉語。聞居四日，軍書到，言已解。

武帝伐匈奴

漢武帝 元光二年，馮門馬邑豪蓋因王恢言匈奴初和親，親信邊可誘以利，伏兵襲擊，必破之道。上召問公卿，韓安國曰：勿擊，便恢曰：擊之便。上從恢議，漢兵追至塞，弗及，乃罷兵。

自是匈奴絕和親 六年匈奴入上谷殺畧吏民遣將軍衛青出上谷公孫敖出代公孫賀出雲中李廣出鴈門各萬騎擊胡 元朔元年李廣召拜為右北平太守匈奴號曰漢之飛將軍避之數歲 臨苗人主父偃嚴安上書言九事具八事為律令一事諫伐匈奴 二年用主父偃計立朔方郡使蘇建與十餘萬人築朔方城轉漕其邊府庫並虛 五年匈奴右北平王數侵擾朔方天子令將軍衛青等出右北平擊之即軍中拜衛青為大將軍諸將皆屬焉 六年衛青復將六將軍出右塞擊匈奴右將軍蘇建前將軍趙信獨逢單于兵與戰一日餘信將其餘騎降建脫身自歸是時漢北威發十餘萬衆擊胡大司農經用竭不足以奉戰士 元狩二年匈奴軍邪王降漢發車一萬乘以迎之分徙降者邊五郡因其故俗為五屬國 四年大將軍青出塞千餘里度幕見單于兵捕斬至真頭山趙信城得匈奴積粟倉悉燒其城餘粟而歸票騎將軍出代右北平二千餘里封狼居胥山禪於姑衍登臨翰海兩軍之出塞所殺虜匈奴合八九萬而漢士卒物故亦數万是故匈奴遠遁而幕南無王庭然亦以馬少不復大出 大漢元年遣中郎將蘇武張勝常惠使匈奴單于使衛律召武欲降之幽武置大窖中徙北海上使牧羝曰羝乳乃得歸 二年貳師擊匈奴李陵將步卒五千至浚稽山單于大驚遮道急攻陵陵遂降 征和四年上乃下詔深懲既往之悔曰當今務在禁苛暴止擅賦力本農脩馬復令以補缺毋乏武備而已由是不復出軍

武帝感神怪

武帝 元狩四年齊人少翁以鬼神方見上上拜為文成將軍文成勸上作甘泉宮以致天神居歲餘神不至於是誅而隱之 元鼎四年上方悔誅文成得栾大之說拜為王采將軍於是海上燕齊之間莫不言者禁方能神仙後竟坐誣罔

要斬 元狩元年上行幸緱氏禮祭中嶽太室從官在山下
聞若有言萬歲者二詔加增太室祠上遂東巡海上行禮祠
八神公孫卿言見大人迹甚大羣臣言見一老父牽狗忽不
見上以爲仙人方士更言蓬萊諸神若將可得於是上欣然
庶幾遇之復至海上望焉凡周行萬八千里云 太初元年
上行幸太山東至海上考入海及方士求神者莫驗然益遣
冀遇之 征和四年田千秋曰方士言神仙者甚衆而無顯
功請皆罷斥遣之上於是悉罷方士候神人考是後上對羣
臣自歎曰邇時愚風爲方士所惑天下豈有仙人盡好妄臣

袁氏通鑑紀事本末撮要卷之二

霍光廢立 武帝後元元年 宣帝地節三年

後元元年鉤弋夫人之子弗陵年數歲上欲立焉以其年穉欲以大臣輔之察羣臣唯霍光忠厚可在大事上乃使黃門畫周公負成王朝諸侯以賜光 二年正月上病篤霍光涕泣問曰如有不諱誰當嗣者上曰君未諭前畫意耶立少子君行周公之事乙丑詔立弗陵為太子以光為大司馬大將軍丁卯帝崩太子即位光輔幼主政自己出天下想聞其風采

昭帝 元鳳元年光以朝無舊臣白用張安世為右將軍以自副焉 元平元年帝崩無嗣光與羣臣議迎昌邑王賀王既立浩戲無度諫多不聽光憂甚陰與張安世圖討白太后具陳昌邑王不可以承宗廟狀皇太后召王伏前聽詔扶下送昌邑邸光奏武帝曾孫病已可以嗣孝昭皇帝後詔迎曾孫即皇帝位

宣帝 本始元年光誓首歸政上謙讓不受諸事皆先問白光然後奏御 自昭帝時光子禹及兄孫雲皆為中郎將光兩女婿為東西宮衛尉黨親連跡根據朝廷及昌邑王廢光權益重每朝見上虛已敬容禮下之 三年霍光夫人顯欲貴其小女成君會許后當娠病令女醫淳子衍投毒藥后崩 四年立霍光女為皇后 地節二年霍光病篤車駕自臨問

三月光薨上思報大將軍德乃封光兄孫山為樂平侯使以奉車都尉領尚書事 三年立子奭為皇太子霍顯復教皇后令毒太子后挾毒不得行 霍氏驕後縱橫上頗聞霍氏毒殺許后而未察乃徙光諸壻收其印綬悉易以所親許史子爭代之 四年霍顯及馬山雲自見日侵削謀發天子事發覺雲山自殺禹要斬顯及諸女昆弟皆棄市皇后霍氏廢

後自殺

趙充國破羌

神爵元年先零與諸羌種豪解仇。上以問趙充國對曰：「今宜遣使者行邊兵豫為備。於是遣義渠安國、安國為虜所擊，失亡其衆。上問誰可將者，充國對曰：「無踰老臣願。至金城，圖上方略，乃大發兵詣金城。遂上屯，田奏初具充國計者什三。中什伍，最後十八。魏相曰：「後將軍其言常是，臣任其計，可必用也。上於是嘉納之，留屯田。二年，充國奏羌降亡者不過四十人，自詭必得請罷屯。田奏可，充國振旅而還。秋，羌若零弟澤四千餘人降，漢封若零弟澤為帥，衆王餘為侯，為君。初置金城屬國以處降羌。」

匈奴歸漢 昭帝始元元年冬，帝建平四年。

始元六年，壺衍鞬單于立國內乖離，於是衛律謀與漢和親，漢使至求蘇武等，乃歸武。

本始三年，匈奴自將數萬騎擊烏孫，會天大雨雪，還者不能什一。於是丁令乘弱攻其北，烏桓入其東，烏孫擊其西，凡三國所殺數萬級，馬數萬匹。匈奴大虛弱，其後漢為三道並入匈奴，匈奴終不敢取當澆，欲鄉和親而邊境少事矣。元康二年，匈奴數遣兵擊車師，田者鄭吉將渠犂田卒救之，上與趙充國筭議，欲因匈奴衰弱出兵擊其右地，使不敢復擾西域。魏相上書諫，上從相言。神爵二年，日逐王率其衆降，漢鄭吉發渠犂諸國五萬人迎日逐王，言京師甘露二年，匈奴呼韓單于歆五原塞，願奉國珍，朝詔議其儀，令位在諸侯王上。三年，匈奴呼韓邪單于來朝，願留居莫南光祿塞下，上以戎狄賓服，思股肱之美，乃圖畫其人於麒麟閣。

上詔見帝紀

元帝初元元年，匈奴呼韓邪單于上書言民衆困乏，詔雲中、五原郡轉穀二萬斛以給之。建昭三年，西域都護甘延壽

副校尉陳湯共誅斬郅支單于於康居。四年，傳首至京師。

建平四年凶奴單于書願朝五年報書許之

恭顯用事 高帝黃龍元年 成帝建始元年

元帝 初元元年史高以外屬領尚書事蕭望之居堪為之

副望之名儒與堪皆以師傅舊恩天下任之史高充位而已

由此有隙弘恭石顯自宣帝時久典樞機帝即位多病委以

政事望之等患苦許史放縱又疾恭顯擅權建白以為中書

政本宜罷中書管管由是大與高恭顯忤 恭顯奏望之堪

朋黨毀離親疎欲以專擅權勢請召廷尉上可其奏後召

出視事 上器重望之不已欲倚以為相會望之子伋上書

訟望之前事恭顯等建白望之前幸得不坐復教子上書歸

非於上非頗屈望之於牢獄則聖朝無以施恩上可其奏使

者召望之望之仰天歎飲鴆自殺 永光元年石顯譚周堪

張猛等數譖毀之劉更生懼其傾危上書顯見其書愈與許

史比而怨更生等是歲夏寒日音無光顯及許史皆言堪猛

用事之咎上內重堪又患衆口之浸潤左迁堪為河東太守

猛槐里令 建昭二年是時石顯顛權京房嘗宴見曰陛下

即位已來災異盡備陛下視今為治耶亂耶上曰亦極亂耳

今為亂者誰哉房曰上最所信任者是矣房指謂石顯上亦

知之不能退也房自知與石顯等有隙去月餘三上封事竟

下獄棄市 石顯威權日盛公卿以下畏顯重足一迹顯聞

衆人言已殺前將軍蕭望之以諫大夫貢禹明經著節因薦

禹歷位九卿禮事之甚備

成帝 建始元年石顯迁長信中太僕失倚離權於是丞相御

史條奏顯舊惡顯免戮死諸所交結以顯為官者皆廢

董賢嬖倖 建平二年 元壽二年

元帝 建平四年駙馬都尉侍中董賢得志於上出則參乘

入御左右貴震朝廷 元壽二年帝崩王莽以太后詔攝政

賢收大司馬印綬遣歸第即日賢與妻自殺

王莽篡漢 宣帝甘露三年 更始元年

竟寧元年太子即皇帝位以元舅陽平侯王鳳為太

司馬大將軍領尚書事

建始元年封舅王崇為安成侯賜譚商立根逢時爵關

內侯夏四月黃霧四塞詔博問公卿大夫無有所諱諫大夫

楊賜等皆以為高祖之約非功臣不倖故天為見異於是大

將軍鳳懼辭職上不許 四年召前所舉直言之士詣白虎

殿對策是時上委政王鳳議者亦歸咎焉 河平三年劉向

以王氏權位太盛而上方嚮詩書古文向乃因尚書洪範集

上古以來符瑞災異之記號曰洪範五行傳論奏之天子心

知向忠粹然終不能奪王氏 陽朔元年京兆尹王章素少

直敢言雖為鳳所幸非鳳擅權不親附鳳乃奏封事言日食

之咎皆鳳專權蔽主之過焉馮野王忠信質直上自為太子

時數聞野王名欲以代鳳鳳聞之使尚書劾奏章毀其大逆

竟死獄中自是公卿見鳳側目而視 二年以王音為御史

大夫於是王氏愈盛郡國守相刺史皆出其門下五侯羣弟

爭為奢侈賂遺珍寶四面而至劉向上封事極諫天子終不

能用其言 三年王鳳夢以王音為大司馬 永始元年五

侯子乘時修驛王曼子莽因折節為恭儉外交英俊內事諸

父曲有禮義鳳死以恭託太后及帝久之封莽為新都侯爵

益尊官皆愈請 二年王音薨以王商為大司馬 三年

故南昌尉梅福上書言方今君命犯而主威奪外戚之權日

以益隆陛下不見其形願察其影上不納 元延元年王商

莽以弟根為大司馬 時吏民多上書言災異之應譏切王

氏專政所致上意頗然之末有以明見親問安昌侯張禹禹

自見年老子孫弱恐為所怨謂上曰災變之意深遠難見新

孝小生亂道誤人宜無信用上雅信愛禹由此不疑王氏故

魏聖令朱雲上書求身願賜尚方斬馬劍尚伊臣一人風以厲其餘曰安昌侯張禹 紱和元年王根薦莽自代以莽為大司馬明年二十八莽既拔出同列繼曰父而輔政欲令名文書過前人聘諸賢良以為掾史愈為儉約 元壽二年帝崩太皇太后遣使者馳召王莽詔尚書諸發兵符節百官奏事 中黃門期門兵皆屬莽 以同成命

元壽 元始元年王莽風益州令塞孔蠻夷獻白雉一黑雉二於是羣臣盛陳莽功德致成周白雉之瑞莽宜賜號曰安漢公 二年越雋郡上黃龍游江中 太師孔光大司徒馮異等咸稱莽功德比周公 四年采伊尹周公稱號加安漢公為宰衡 五年策命安漢公莽以九錫 莽因臘日上椒酒置毒酒中帝崩羣臣奏太后請安漢公踐祚南面朝羣臣如天子之制謂之攝皇帝詔曰可 以同成命

居攝 元年立宣帝玄孫嬰為皇太子號曰孺子詔莽稱假皇帝 二年東郡太守翟義率兵西討才當攝者於是更士攻義破之 初始元年義等既敗莽自謂威德日盛遂謀即直之事十一月以居攝三年為初始元年即真天子位定有天下之號曰新 始建國元年莽上太皇太后坐轎曰新室文母太皇太后去漢號焉 莽策命孺子為安定公封以萬戶屯名天下田曰王田奴婢曰私屬皆不得賣買 三年於長安及洛陽邯鄲臨菑宛成都立五均司布錢府官

五年文母皇太后崩 天鳳元年罷大小錢改作貨布貨泉二品並行又以大錢行久罷之恐民挾不止乃令民且獨行大錢尺六年毋得復挾 四年授諸侯茅土於明堂以地理未定先賦茅上用慰喜封者 莽法令煩苛民搯手觸禁於是並起為盜 五年琅琊樊崇起兵於莒一歲間至萬餘人

三年樊崇等兵朱其眉以相識別以是號曰赤眉 新市平林兵起南陽騷動李軼往迎劉秀結定謀議歸春陵舉兵

於是得子弟七八千人

漢書 更始元年春陵戴侯曾孫玄在平林兵中號更始將軍時漢兵已十餘萬欲立劉氏以從人望新市平林將帥定策立玄玄即皇帝位蓋隗流汗由是豪傑失其多不服偏將軍劉秀等徇昆陽莽遣王邑王尋發兵平定山東縱兵圍昆陽秀乘銳崩之莽兵大潰於是海內豪傑翕然響應皆殺其牧守用漢年號以待詔命更始遣將攻武關三輔鄧邯于匡起兵應漢開武關迎漢兵莽之漸臺衆兵上臺斬莽首傳詣宛百姓共持擊之或切食其肉

光武中興 王莽地皇三年 建武五年

地理 地皇三年宛人李守好星歷識記嘗謂其子通曰劉氏當興李氏為輔及新市平林兵起通遣從弟軼往迎劉秀與相約歸春陵李兵諸家子弟見秀乃自安凡得子弟七八千人

漢書 更始元年劉秀等徇昆陽下之莽遣王邑發兵號百萬圍昆陽劉秀自將千餘騎乘銳崩之遂殺王尋莽兵大潰於是海內豪傑翕然響應用漢年號以待詔命更始拜秀為破虜將軍封武信侯更始遣將攻武關三輔鄧邯于匡起兵應漢開武關納漢兵王莽之漸臺衆兵上臺斬莽首更始將都洛陽以秀司隸校尉使前整脩宮府三輔吏士見司隸僚屬皆歡喜不自勝曰不圖今日復見漢官威儀由是識者皆屬心焉秀行大司馬事持節比渡河鎮潁州郡吏民爭持牛酒迎勞秀皆不受南陽劉盆子策追秀及於鄴因令常止宿禁中與定計議鄴鄆上者王郎詐稱成帝子與立為天子二年更始委政趙萌濫授官爵關中離心四海怨叛秀至下曲陽傳聞王郎兵在後至曝於河无船河水亦合了令王霸護度未畢數騎而冰解秀披輿地圖指示鄴禹曰天下郡國若吳今始得其一秀進攻鄴鄴破之王

霸追斬王郎 更始遣使立秀為蕭王令罷兵耿弇說不可
乃辭以河北未平不就徵 蕭王擊銅馬於鄒悉破降之降
者更相語曰蕭王推赤心置人腹中安得不抄死乎 蕭王
度赤眉必破長安乃拜鄧禹為前將軍遣西入關 以河北
險要富實拜寇恂為河內太守行大將軍事

光武平赤眉
建武元年蕭王北擊尤來大搶五備於元氏朱鮪聞王
北征而河內孤遣蘇茂度鞏河攻溫寇恂擊破之 諸將請
上尊號王不聽郡臣因復奏請乃即皇帝位于鄴南 帝遣
諸將圍洛陽朱鮪悉其眾出降 車駕入洛陽幸南宮遂定
鄴焉 二年悉封諸功臣為列侯 起高廟立郊兆于城南
以上諸事見光武紀

光武平赤眉
天鳳四年莽法令煩苛民搖手觸禁於是並起為盜賊
五年琅邪樊崇起兵於莒一歲間至萬餘人 地皇三年

樊崇等朱其眉以相識別由是號曰赤眉
建武元年赤眉發魯等特兵攻長安參蕭王度赤眉必
破長安乘輿奔關中乃拜鄧禹為前將軍遣西入關

建武元年赤眉西向帝城立宗室劉盆子為上將軍諸
將皆稱臣 赤眉入長安更始單騎走將相皆降 三年赤
眉入長安鄧禹戰數不利 赤眉延岑暴亂三輔郡縣大姓

各擁兵聚禹不能定帝乃遣馮異代禹討之羣盜多降 三
年馮異大破赤眉於崤底 赤眉餘眾東向宜陽帝親勒六
軍嚴陣以待之赤眉忽遇大軍驚震盆子及丞相以下皆袒
降上所得傳國璽

光武平漁陽 更始元年 建武五年

建武元年拜彭寵偏將軍行漁陽太守事

建武二年寵怏怏不得志是時北州破散而漁陽差完
幽州牧朱浮發奏寵多聚兵熾意計難量上詔召寵寵遂發

六石攻朱浮於荊帝遣鄧隆助朱浮討彭寵 五年寵蒼頭子密等因寵卧寐共縛斬寵馳詣關帝封子密為不義侯

光武平齊 建武六年

雒陽王更始元年故梁王立之子永詣洛陽更始封為梁王都睢陽 二年梁王永起兵招諸郡豪傑沛人周建等並立為將帥又拜東海賊帥董憲為冀漢大將軍琅邪賊帥張步為輔漢大將軍東據東方

建武三年劉永立董憲為海西王張步為齊王帝方北憂漁陽南事梁楚故張步得專集齊地 三年蓋延圍睢陽求將慶吾斬求首降周建立求子紆為梁王 四年上遣馬

武王霸圍劉紆周建於垂惠 董憲將賁休以蘭陵降憲圍之拔蘭陵殺賁休 蘇茂將五校兵救垂惠王霸馬武歸營不出茂建不得戰乃引兵還建於道死茂奔下邳與董憲合

紆奔佼彊 龐參反與董憲連和自號東平王 五年張步都劇破奔淮擊追至鉅昧水上八九十里步還劇兄弟各分兵散去步斬蘇茂頭奔軍門降齊地悉平 六年吳漢等斬

董憲龐萌江淮 山東悉平諸將還京 光武平隴蜀 建武五年 光武平隴蜀 建武五年

建武元年初於紀隗囂起兵應漢更始召囂至長安後逃歸天水招集其眾自稱西州上將軍三輔士大夫避亂多歸之囂傾身引接名震西州 焉援聞囂好士往從之 鄧

禹承制命囂為西州大將軍 四年更始之末公孫述即帝位於成都隗囂使馬援往觀述歸謂囂曰子陽非底姓爾不

可專意東向馳乃使援奉書雜陽帝五年初竇融自守江西聞帝威德未能自通乃從隗囂受建武正朔鄧內懷異志融遂決策東向奉書詣雒陽帝賜璽書授融為涼州牧 隗

議欲稱王鄭興言之而止 六年帝詔隗 從天水伐蜀

詔終不為用乃謀討之詔遂發兵反 馬援上書願聽前行
在所極陳破鄴之術詔遂稱臣於公孫述 八年來歙伐山
開道徑襲畧陽斬隗囂守將金梁詭自采其大衆圍畧陽公
孫述遣將助之累月不能下帝自將征隗囂詭奔西城 九
年隗詭病且饑恚憤而卒少子純立為 秋來歙率馮異
等五將軍討隗純於天水 十年隗純降 冬安 十
年帝遣吳漢發荊州兵與岑彭會荊門帝曰大司馬習用志
驕不曉水戰荊門之事一由征南公為重岑彭募攻浮橋順
風並進所向無前蜀兵大亂 來歙進攻元安大破之蜀人
大懼使刺客刺歙 岑彭游都江而上徑拔武都擊廣都去
成都數十里蜀地震駭乃使刺客夜刺殺彭 十二年吳漢
與述戰於廣都成都之間八戰八克使護軍高午擊之述立
大亂高午奔陳刺述延岑以城降 十三年吳漢自蜀還
而還 以

楚王英之獄

明帝 永平八年楚王英奉黃鑲白純詣國相以贖愆罪國相
以聞詔還贖以助伊蒲塞桑門之盛鑠帝聞西域有神名曰
佛於是中國始傳其術楚王英最先好之 十三年楚王英
與方士造作圖書有逆謀發徙丹陽英自殺是時窮治楚獄
遂至累年死徙者以千數侍御史寒朗心知其寃乃上言車
駕自辛洛陽錄錄囚徒理出千餘人馬后亦以楚獄多寃乘
間為帝言之任城令袁安分別具奏帝感悟即報許得出者
四百餘家 以

明帝

建初元年上問司徒鮑昱何以消復旱災對曰臣前為

汝南太守典治楚獄恐未能盡當其罪宜一切還諸徙家則

和氣可致帝納其言

馬后拍外家

永平三年 建初四年

明帝

永平三年立貴人馬氏為皇后后好讀書常衣大絁

建初二年上欲封爵諸舅太后不聽太后嘗詔三司諸馬昏親有屬託郡縣者以法聞四年皇太后馬氏崩

上幸九

竇氏專恣

建初元年

永元四年

建初三年立貴人竇氏為皇后八年中郎將竇憲恃后寵聲勢以賤直請奪沁水公主園帝大怒使以田還主不授以重任章和二年帝崩太子即位年十歲竇太后臨朝竇憲兄弟皆在親要之地

永元元年竇憲征匈奴登燕然山刻石勒功二年竇憲以北匈奴微弱欲遂滅之遣耿种任尚圍於金微山大破之出塞五千餘里而還竇憲既立大功原名其居曰剌史守令多出其門四年竇氏父子兄弟充滿朝廷遂共圖為殺帝帝陰知其謀與眾定議收憲收黨人郭璜等皆下獄死以太后故不欲名誅憲迫令自殺



表氏通鑑紀事本末撮要卷之三

西域歸附

光武建武二十一年沙車王賢欲兼并西域諸國愁懼車師等十八國俱遣子入侍願得都護 二十二年西域諸國侍

子久留燉煌皆愁思亡歸沙車王賢知都護不至擊破鄯善攻殺龜茲王鄯善王安上書帝報大兵未得出於是鄯善車師復附匈奴

明帝永平十六年竇固使假司馬班超使西域超行到鄯善

鄯善王廣奉超忽與班超謂其官屬曰此必有北虜使來夜奔廣營洛殺三人斬其使明日召鄯善王廣以虜使首示之廣叩頭願屬漢遂納子為質復使超使于闐于闐國王廣德即降超於是諸國皆遣子入侍西域與漢絕六十五載至是乃復通

光武永元十四年班超久在絕域年老思土上書乞歸以戊

己校尉任尚代為都護

明帝延平元年西域諸國反攻都護任尚於疏勒詔尚還以

騎都尉段熲為都護

安帝延光二年北匈奴連與車師入寇河西陳忠上疏以為

敦煌宜置校尉以撫諸國帝納之於是復以班勇為西域長

史將兵出屯柳中

光武建武二十四年匈奴入部大人共議立日逐王比為呼

韓邪單于欵五原塞願求為藩蔽捍禦北虜帝從之 十月

匈奴日逐王比自立為南單于遣使稱臣 二十七年北匈奴

遣使求和親告武威太守勿受其使 臧宮馬武上書曰

匈奴貪利無有禮信今命將臨塞北虜之威不過數年詔報

曰苟非其時不知息民自是諸將莫敢復言兵事者 二十

八年北匈奴遣使貢馬及裘更乞和親

西域傳
卷之三
周
表氏通鑑紀事本末撮要卷之三

明帝永平八年北匈奴遣使求合市 鄭眾上言宜置大將以防二虜交通由是始置度遼營 十六年耿秉數請擊匈奴帝從之遣秉與竇固等分道並出伐北匈奴 北匈奴大入雲中太守廉范拒之由此不敢復向雲中 竇固耿秉擊西虜定車師固奏以陳睦為都護耿恭為戊校尉閼寵為己校尉 十八年北單于遣左鹿蠡王率一萬騎擊車師擁絕澗水耿恭於城中穿井今吏士掘水以示虜虜以為神明遂引去

章帝建初元年揚終上疏曰間者北征匈奴西開三十六國百姓頻年服役陛下宜留念省察帝從之 元和二年南單于遣兵與北虜戰于涿邪山斬獲而還孟雲上言宜還南所掠生口

和帝永元元年竇憲征匈奴出塞三千餘里登燕然山刻石勒功 三年北單于弟於除鞬自立為單于遣使款塞竇憲請置中郎將領護

安帝延光二年北匈奴與軍師入寇河西
順帝延熹元年南匈奴諸部並叛與烏桓鮮卑寇緣邊九郡帝以京兆尹陳龜為度遼將軍龜寤說烏桓斬匈奴渠帥襲破其眾諸胡悉降

和帝永元四年是時竇憲兄弟專權帝以朝臣上下莫不附憲獨中常侍鄭眾謹敏有心幾遂與眾定議誅憲 其是常與之議論政事官官用權自此始矣

安帝延光二年中常侍樊豐等更相扇動傾搖朝廷揚震上疏不聽

二年樊豐等見揚震連諫不從無所顧忌震復上疏豐等共譖震震因飲酖而卒 王聖江京樊豐等與閹后妄進虛無構譏太子九月廢皇太子恂為濟陰王 四年北鄉侯即位

有司奏發豐等互作威柄皆下獄死冬十月中常侍孫程等迎濟陰王即位

上詳見後紀

順帝 陽嘉二年夏六月丁丑洛陽宣德亭地折長八十五丈帝引公卿所舉之士使之對策李固對第一諸常侍叩頭謝罪朝廷肅然宦官疾之詔為飛章以陷其罪固棄官歸漢中

晉書順帝紀

和帝 建和元年宦者唐衡左悺等共譖杜喬與李固以帝不堪奉漢祀帝怒之後梁冀誣李固杜喬與妖賊劉文等交通皆收繫死獄中 永興元年以朱穆為冀州刺史宦者趙忠喪父楷為玉匣穆案驗發墓剖棺帝聞大怒召穆詣廷尉太

學書生劉陶等上書訟穆帝乃赦之 延熹二年帝召小黃

門史唐衡中常侍單超小黃門史左悺中常侍徐璜黃門令具璜等五人共定議誅梁冀詔封單超等皆為縣侯世謂之五侯又封尚書令尹勳等七人皆為亭侯又封小黃門劉普

趙忠等八人皆為鄉侯自是權勢歸宦官矣 五侯尤貪縱悺

勳中外 六年尚書朱穆疾宦官恣橫上疏帝怒不應穆發

才不敢出宮省帝怪問其故並叩頭泣曰畏季校尉 九年

初帝受學於甘陵周福及即位擢福為尚書時同郡河南尹

房植有名當朝一家賓客互相讎揣各立朋徒漸成尤隙由

是甘陵有南北部黨人之議 河內張成教子殺人司隸李

膺案殺之成素以方技交通宦官宦官教成弟子牢脩上書

告膺尋養太學遊士結諸郡生徒共為部黨誹訕朝廷疑亂

風俗於是天子震怒逮捕黨人

靈帝 建寧元年初竇太后之立也陳蕃有力焉及臨朝政無

大小皆委於蕃蕃與竇武同心戮力以變王至於是中常侍

曹節王甫等共相朋結誚事太后數出詔命蕃武疾之武乃

白太后宜悉誅廢於是武奏收節等五官史朱瑀盜發武奏

大呼曰陳蕃嘗武奏曰太后廢帝脅使作詔收武等武自殺
收捕宗親賈客悉誅之迁太后於南宮於是羣小得志士大
夫皆喪氣 一年初李膺等雖廢錮天下士大夫皆高尚其
道而汙穢朝廷及陳費用事復李拔膺等陳嘗誅膺等復廢
宋並告張儉與同鄉二十四人共爲部黨圖危社稷詔捕儉
等凡黨人死者百餘人天下哀憐及儒李有行義者宦官一
切指爲黨人郭泰聞黨人之死私爲之慟 熹平元年長樂
大僕侯覽坐專權驕奢策收印綬自殺 五年永昌太守曹
鸞上書黨人犯罪災異水旱皆由於斯於是收鸞殺之詔州
郡更考黨人門生故吏父子兄弟悉免官禁錮爰及五屬
中平元年初董卓以妖術教授騷太平道分遣弟子轉
相誑誘徒衆數十萬有詔逐捕角救諸方俱起皆着黃巾時
人謂之東門帝召羣臣會議此地太守皇甫嵩以爲宜赦
黨禁益出中藏錢以班軍士上問計於中常侍呂強強請先
誅左右貪濁者大赦黨人帝懼而從之乃赦天下黨人還諸
徙者 二年南宮雲臺災中常侍張讓趙忠說帝斂天下田
晦十錢以修宮室 六年帝崩皇子辯即位何太后臨朝宦
官蹇碩欲誅大將軍何進中軍校尉袁紹因勸進悉誅諸宦
官進召董卓使將兵詣京師卓即時就道中常侍張讓段珪
許以太后詔召進斬進於嘉德殿前袁紹又向由聞進被害
乃引兵屯朱雀闕下排徙趙忠等乃誅宦者皆殺之凡二千
餘人董卓脇太后廢帝爲弘農王立陳留王協爲帝追埋陳
蕃寶武及諸黨人悉復其爵位擢用其子孫 初平元年關
東州郡皆起兵以討董卓推渤海太守袁紹爲盟主紹屯河
內曹操屯酸棗董卓以山東兵盛欲迁都以避之遂燒焚宮
廟官府劫迁天子三月車駕入長安 長沙太守孫堅亦起
兵討董卓 二年公孫瓚大破青州黃巾威名大震遂郡劉
備往依公孫瓚 三年董卓車服僭擬天子司徒王允密謀

許卓李儼為董卓報讎殺王允 建安元年楊奉韓暹奉車
駕至雒陽曹操在許謀迎天子遂遷都許 十九年帝自遷
許已來守位而已左右侍衛莫非曹氏之人董卓女為貴人
操誅承求貴人殺之伏皇后由是懷懼密令圖之車出操勅
兵入宮收后下暴室以幽死所生二皇子皆醜殺之

孟德傳

魏文帝黃初元年正月魏王操薨太子即王位十月漢帝禪
位於魏王

曹操墓漢 魏中平元年以青龍二年

靈帝中平元年操父嵩為中常侍曹騰養子不能審其生出
本末操以機警有淮彪而任杖放蕩大尉橋玄異焉謂操曰
天下桀亂安之者其在吾乎 五年操為典軍校尉 六年
董卓之亂以操為驍校尉熲熲姓名間行東歸至陳留載家
財合兵得五千人

靈帝

獻帝初平元年兗州郡皆起兵以討董卓推渤海太守衣
紹為盟主紹屯河內操屯酸棗鮑信曰能撥亂反正者君也
苟非其 雖疆必 若殆天之所啓乎 三年荀淑有孫曰
或少有才名操與語大悅曰吾子房也以爲奮武司馬 青
州黃巾寇兖州操領兖州刺史悉降之得戎卒三十餘萬
四年操引兵擊陶謙謙兵敗走保鄒 興平元年陳留太守
張邈救謙迎呂布為兖州牧布至遂據濮陽時操悉軍攻陶
謙留守兵少兖州郡縣皆應布操引兵還攻布操軍敗 二
年操以陶謙已死欲遂取徐州遂乃定布荀彧曰河濟天下
之要地也不可先定操乃止 建安元年楊奉韓暹奉車
駕至雒陽曹操在許謀迎天子荀彧曰奉主上以從人望大
順也操乃將兵詣洛陽移駕都許 操問荀彧以策謀之士
或薦其從子攸及潁川鄭嘉操與攸語大悅 奉抵請建置
屯田操從之募民屯田許下 二年表紹與曹操書辭語驕

慢操謂荀彧郭嘉曰今將討不義而力不敵何如對曰今紹有十敗公有十勝紹雖強無能者也 操遺呂布手書布遣陳登謝恩登見操因陳布勇而無謀宜早圖之 三年操圍張繡於穰會曰豐勸未幼襲許操解穰圍而還張繡追之操奇兵大破之 呂布復與表術通攻劉備曹操自擊布布困迫乃降曰明公之所慮不過於有今已服矣遂縊殺之 孫策遣使弑方物曹操策為討逆將軍 四年表紹擊公孫瓚滅之心益驕簡精兵十萬欲以攻許操還許分兵守官渡表紹遣人招張繡結眾降操 操使治書侍御史衛覬鎮無閔中 韓嵩說劉表莫若舉荊州以附曹操操必重德將軍乃遣嵩詣許 操遣劉備邀表術備遂殺徐州刺史車胄留關羽守下邳行太守事遣使與表紹連兵 五年曹操擊劉備破之進拔下邳禽關羽備奔青州歸表紹操還軍官渡紹乃議攻許進軍黎陽操縱兵擊大破之紹軍奔操還軍官渡 表氏輜重萬餘乘在故市烏巢屯操自將步騎五千入夜出圍屯大放火及燔其糧穀紹軍恟懼大潰紹與八百騎渡河走至黎陽北岸眾稍復歸 六年操自擊劉備於汝南備奔劉表 七年表紹自軍敗勳憤病薨子尚立與操連戰敗退而固守 八年操攻黎陽表尚戰敗走還鄴 九年操進軍至鄴操逆擊之眾大潰尚奔中山 詔以操領冀州牧 十年表尚奔遼西烏桓 十一年曹操自將擊高幹斬之并州悉平 烏桓乘天下亂數入為寇欲助尚復故地 十二年操將擊烏桓軍次柳城尚與蹋頓將數萬騎逆軍操縱兵擊之斬蹋頓尚奔遼東太守公孫康斬其首送之 十三年以曹操為丞相 操南擊劉表會表卒子琮舉州降 十五年操下令曰孤始於譙東築精舍欲秋夏讀書春射獵為二十年規待天下清乃出任耳然不能得如意召為典軍校尉意遠欲更為國家討賊立尹使題墓道言漢世有匹

將軍曹倅之舉此其志也而遭值董卓之難與舉義兵後領
兖州破降黃巾三十萬眾又討袁術使窮沮而死摧破袁紹
復定劉表遂平天下身為宰相意望已絕矣設使國家無有
孤不知當幾人稱帝幾人稱王或者見孤彊盛妄相忖度言
有不遜之志每用耿耿然欲孤便爾委捐所典兵眾誠恐為
人所禍已敗則國傾危是以不得慕虛名而處實禍也十
八年以冀州十郡封曹操為魏公又加九錫 七月魏始建
社稷宗廟 二十一年進魏公操爵為王 二十二年詔魏
王操設天子旌旗出入稱警蹕以五官中郎將丕為太子
二十四年操表孫權為票騎將軍假節領荊州牧權上書稱
臣於操稱詭天命操以權書示外曰若天命在吾吾為周文
王矣 曰詔見魏書

魏文帝黃初元年武王至洛陽庚子薨太子丕即王位 十
月漢帝禪位於魏王奉漢帝為山陽公追尊武王曰武皇帝

以上詳見魏文帝紀

明帝青龍二年山陽公卒

孫氏據江東 興平元年公太和三年

漢獻帝興平元年初孫堅生四男弟權最巨策年十餘歲已

交結知名年十七乃渡江居江都結納豪俊有復讎之志

二年丹陽朱治見表術德政不立勸孫策歸取江東 策收

兵至歷陽衆五六千進攻橫江當利皆拔之策渡江轉聞所

向皆破威震江東 建安元年策渡浙江取會稽會稽功曹

說太守王朗誦策降策自領會稽太守 三年孫策遣使獻

方物曲盡操表策為討逆將軍 會劉繇卒於豫章士眾萬餘

人欲奉豫章太守華歆為主策命太史慈往撫安之并觀華

子魚所以牧御方規何如慈反曰華子魚良德也然无他方

規策遂有兼井之志 四年孫策盛兵將徇豫章功曹虞翻

往見華歆歆葛巾迎策策礼為上賓 五年孫策初殺吳郡

太守許貢真奴客爲貢報讎射策中頗詭其呼權佩以印綬策卒張昭周瑜等謂權可與共成大業遂委心而服事焉

十三年

初魯肅聞劉表卒言於孫權請往說劉備使撫表

衆共治曹操會備南走肅迎之於當陽坂肅曰孫討虜兵精

糧多足以立事爲君計莫若自結於東曹操自江陵將順江

東下諸葛亮曰事急矣願求救於孫將軍遂與魯肅俱詣孫

權亮說權權曰吾計決矣非劉豫州莫可以當曹操者肅勸

權召周瑜瑜至謂權曰操雖托名漢相實漢賊也將軍當爲

漢家除殘去穢惟曰孤与老賊勢不兩立君言當擊此天以

君授孤也已選三萬人卿与子敬程公便在前發孤爲卿後

援遂以周瑜程晉爲左右督將各与備并力逆操以魯肅爲

贊軍校尉遂与操遇于赤壁初一交戰操軍不利次引江北

瑜部將黃蓋乃取蒙衝鬪艦載燥荻枯柴灌油其中先以書

遺操詠云欲降操軍吏皆出營立觀蓋同時發火燒尽北船

延及岸上營落入馬燒溺北軍大壞操引兵步走劉備周瑜

水陸並進追操至南郡大破曹仁兵於夷陵而還十四年

周瑜攻曹仁歲餘仁委城走瑜也江陵十五年周瑜詣京

見權乞與奮威俱進取蜀而并張魯以留奮威固守其地瑜

還與將軍據襄陽以蹙操北方可圖惟許瑜還卒於巴丘

二十年

孫權率衆十萬圍合肥時張遼李典樂進將七千

餘人也合肥遂被甲持盾衝入至權麾下權大驚走自且戰

至日中吳人奪氣惟守合肥十餘日城不可拔徹軍還二

十四年魏王操表孫權爲票騎將軍假節領荊州牧

魏文帝

黃初二年孫權自公安徙都鄂更名鄂曰武昌八月

月孫權遣使稱臣卑辭奉貢并送于老等還朝臣皆賀遣邢

首奉策叩拜孫權爲吳王加九錫二年吳王侍子不至帝

怒遂伐之吳王臨江拒守帝自武昌南征四年曹仁以步

騎數萬向濡須時朱桓所部兵在者纔五千人仁遣其子泰

攻濡須城分遣常胤王夔等別襲中洲相遣別將擊雕奔而
身自拒秦泰燒營退 初呂蒙卒吳王以朱然鎮江陵及曹
真等圍江陵中外斷絕將士失色然晏然如无恐意魏兵圍
九六日會天大疫帝悉召諸軍還 五年帝東巡如許昌大
興軍伐吳親御龍舟至廣陵時江水盛長帝臨江望歎曰魏
雖有武騎千羣無所用之未可圖也 六年帝以舟師復征
吳八月舟師自譙循渦入淮十月如廣陵臨江觀兵吳人嚴
兵固守帝見波濤洶涌歎曰嗟乎固天所以限南北也遂歸

臣等謹案

明帝 太和二年吳王即皇帝位改元黃龍立子登為皇太子

詳見明帝紀

劉備據蜀 初平二年黃初元年

漢獻帝 初平二年公孫續大破黃巾威名大震涿郡劉備中
山靖王之後有大志往依瑋瑣以為平原相 吳平元年曹
操之攻陶謙也劉備將兵救之遂歸謙課疾篤請別駕糜竺
曰非劉備不能安此州也謙至率州迎備備遂領徐州 建
安元年表術攻劉備以爭徐州備使張飛守下邳自將拒術
術與呂布書勸令襲下邳飛敗走備備困降於布布復以備
為豫州刺史自稱徐州牧 備合兵得萬餘人呂布惡之自
出兵攻備備敗走歸曹操以為豫州牧使圖呂布 三年
呂布復與表術通追高順攻劉備備單身走 四年操遣備
與朱靈邀表術既南走備遂殺徐州刺史車胄留關羽守
下邳身還小沛郡縣多叛操為備備眾數萬人遣使與表糾
連兵 五年曹操自討劉備破之進拔下邳禽關羽備奔青
州歸表紹 操壯關羽之為人而察其心神無久留之意及
殺顏良拜書告辭糾劉備左右欲追之操曰彼各為其主勿
追之 六年曹操自擊劉備於汝南備奔劉表表益其兵使
屯新野 十二年劉備在荊州訪士於襄陽司馬徽曰此

間有伏龍鳳雛上備問為誰曰諸葛孔明龐士元也徐庶見備於新野曰諸葛孔明卧龍也將軍宜枉駕顧之備由是許亮凡三往乃見因屏人曰曹操不可爭鋒孫權可與為援荆州用武之國其主不能守益州天府之士劉璋暗弱民殺國富不知存恤將軍既帝室之胄若跨有荆益結好孫權則化業可成矣備曰善於是與亮情好日益十三年劉表卒子琮降操時劉備屯樊大驚呼部曲共議欲勸議攻琮荆州可得備曰劉荆州臨亡託我以孤遺首信自濟吾所不為曹操以江陵有軍實恐劉備據之操急追備及於當陽之長坂備走與關羽船會得濟沔遂與魯肅俱詣孫權十二月劉備表劉琦為荆州刺史引兵南徇武陵長沙桂陽零陵四郡皆降之益州牧劉璋遣張松致敵於操操不納松歸勸劉璋與劉備相結璋從之十四年孫權以備領荆州牧周瑜分南岸地以給備十五年劉表故吏士多歸劉備備以周瑜所給地少不足以容其眾乃自詣京見孫權求都督荆州周瑜卒權以魯肅代瑜領兵魯肅勸權以荆州借劉備與共拒曹操權從之十六年益州別駕張松勸劉璋結備以討張魯乃使法正將四千人迎備正至荆州陰說劉備取益州備以為然乃留諸葛亮關羽等守荆州備將士卒數萬人入益州備至涪璋往會之增備兵使擊張魯備北到葭萌未即討魯厚立恩德以收衆心十九年諸葛亮與張飛趙雲共領益州牧以諸葛亮為軍師將軍二十年曹操入南鄭司馬懿言於操曰劉備以詐力虜劉璋蜀人未附而遠爭江陵此機不可失操曰人苦無足既得膺後孽屬耶二十二年法正說劉備曰曹操一舉而降張魯身遠北還舉兵往討必可克之備善其策乃率諸將進兵漢中二十三年劉備屯陽平閔夏侯淵張郃徐晃等與之相距二十四年魏王操

自長安出斜谷軍遮要以臨漢中劉備曰曹公雖來無能為也我必有漢川矣乃歛眾拒險終不交鋒操引軍還長安劉備遂有漢中

漢獻帝紀

七月劉備自稱漢中王還治成都

以上詳見

魏文帝

黃初二年春三月蜀中傳言漢帝已遇害於是漢中

王發喪制服夏四月即皇帝位于武擔之南改元章武

出魏

文帝紀

袁氏通鑑紀事本末撮要卷之三

袁氏通鑑紀事本末撮要卷之四

諸葛亮出師平南中四年魯南龍年

魏文帝黃初四年漢主禪駕命丞相亮輔太子太子禪即位封丞相亮為武鄉侯領益州牧政事无巨細咸決於亮亮嘗自校簿書楊馮直入諫曰為治有體上下不可相侵亮謝之六年亮率眾討雍闓等七月亮至南中所在戰捷斬雍闓孟獲收闓餘眾以拒亮亮生致之七縱七擒獲曰公天威也自是夷不復反

明帝太和元年亮率諸軍比駐漢中使張裔蔣琬留府事

臨發上疏遂行屯於沔北陽平石馬亮破廣漢太守姚佃為掾佃並進文武之士二年亮率大軍攻祁山攻陳整齊號令明肅於是天水南安安定皆叛應亮帝遣右將軍張郃西拒亮亮以馬謖督諸軍在前與張郃戰于街亭謖遣亮節度郃擊破之亮進無所據乃拔西縣千餘家收謖下獄殺之引咎責躬厲兵講武以為後圖亮聞關中虛弱欲出兵擊魏

羣臣多以為疑亮上言於漢主引兵出散關圍陳倉陳倉已有備亮不能克帝召張郃于方城使擊亮郃屈指計曰比臣到亮已走矣郃晨夜進未至亮引去將軍王雙追之亮擊斬雙二年亮遣其弟陳武攻武都陰平二郡雍州刺史郭淮引兵拒之亮自出至建威淮退亮遂拔二郡以歸漢主復策拜亮為丞相四年亮以麻痺為長史亮數外出玃常足食

兵以相供給青龍元年亮勸農講武木牛流馬運米集斜谷息民休士三年而後用之二年亮悉大眾十萬由斜谷入寇遣使約吳同時大舉亮至郿軍於渭水之南司馬懿引軍度渭拒之亮屯五丈原分兵屯田為久駐之其耕者雜

於渭濱居民之間而百姓按兵无敢為帝敕司馬懿堅壁拒守以挫亮鋒相守百餘日亮數挑戰懿不出亮病篤太子軍中長史楊儀整軍而出百姓悔告司馬懿懿追之不敢偏

儀入谷然後發喪百姓為之謔曰死諸葛是子仲達也樂行
亮之營壘處所歎曰天下奇才也

吳侵淮南泰和二年青龍二年

魏明帝太和二年吳使鄱陽太守周魴遣親人賫牋以誘揚
州都督曹休欲以郡降求兵應接休率步騎十萬向皖以應
魴帝又使司馬懿向江陵賈逵向東關三道俱進八月吳主
至皖以陸遜為大都督朱柘令琮為左右督各督二萬人以
擊休戰于石亭追亡逐北徑至夾石 青龍二年五月吳主
入居巢湖口向合肥新城陸遜諸葛瑾入江夏沔口向襄陽
孫皓張承入淮向廣陰淮陰七月帝御龍舟東征吳主聞大
軍至遂還陸遜亦還

魏滅蜀

魏高貴鄉公甘露二年姜維聞魏分關中兵以赴淮南欲乘
虛向秦川率數萬人出駱谷是時維數出兵蜀人愁苦譙周
作仇國論以諷之 二在姜維聞諸葛誕死退還成都

元帝景元二年漢主以董暉為輔國大將軍諸葛瞻為都護
衛將軍共平尚書事以待中樊建為尚書令時中常侍黃皓
用事暉瞻皆不能矯正唯建不與皓往來 三年姜維入寇
洮陽鄧艾與戰于侯和破之維退住沓中 司馬昭患姜維

數為寇欲大舉伐漢朝臣多以為不可獨鍾會勸之昭諭眾
曰計蜀戰士九萬守成都及備他境不下四萬然則餘眾
不過五萬今絆姜維於沓中使不得東顧直指駱谷出其空
虛之地以襲漢中以劉禪之闇而邊城外破士女內震其亡
可知也乃以鍾會為鎮西將軍都督關中姜維表漢主宜並
遣左右車騎張翼廖化督諸軍分護陽安關口及陰平之橋
頭以防未然黃皓信巫鬼謂敵終不自致啓漢主寢其事

四年五月詔諸軍大舉伐漢鄧艾督二萬餘人自狄道趣甘
松沓中以連綴姜維諸葛緒督二萬餘人自祁山趣武衛橋

頭絕維歸路鍾會統十餘萬眾分從斜谷駱谷子午谷趣漢中漢人聞魏兵且至乃遣廖化將兵詣沓中為姜維繼援張翼董儼等詣陽安關口為諸圍外助鍾會使護軍胡烈為前鋒攻關口漢武興督蔣舒迎降會聞關口已下長驅而前維聞鍾會諸軍已入漢中引兵與廖化張翼董儼等守劔閣以拒會十月漢人生呂急於吳吳主使丁奉督諸軍向壽春丁封孫異如沔中以救漢鄧艾進至陰平欲與諸葛緒自江油趣成都緒引軍向白水與鐘會合姜維列營于劔閣會攻之不能克都艾自陰平鑿山通道以穗自裹推轉而下將士皆攀木緣崖魚貫而進先登至江油蜀守將馬邈降諸葛瞻督諸軍拒文至涪停住不進文遂長驅而前漢人不意魏兵卒至皆逃山野不可禁制漢主乃遣侍中張紹等奉璽綬以降於艾姜維得漢主敕命乃與廖化張翼董儼等同詣會降吳聞蜀已亡乃罷丁奉等兵

司馬氏篡魏 正元元年 泰安元年

魏高貴鄉公 正元元年 初司馬師秉政以李豐為中書令帝數獨召與語師知其議已請豐相見以刀鐔築殺之帝以李豐之死意殊不平九月師乃謀廢帝入白太后授帝齊王印綬迎高貴鄉公髦即皇帝位 二年司馬師卒以弟司馬昭為大將軍錄尚書事 甘露元年賜大將軍昭袞冕之服赤舄副焉 二年司馬昭奉帝及太后討諸葛誕 三年詔以司馬昭為相國封晉公加九錫

元皇帝 景元元年 帝見威權日去不勝其忿入白太后座殿中宿衛蒼頭官僮故諫而出賈充刺帝殞于車下太后下令

罪狀高貴鄉公廢為庶人迎燕王宇之子常道鄉公璜於鄴以為明帝嗣 六月常道鄉公更名奐即皇帝位 咸熙元年進晉公爵為王追命舞陽文宣侯懿為晉宣王忠武侯師

為景王 九月立炎為太子

已上詳見元帝紀

魏帝 泰始元年魏帝加文王卅子曰太子八月文王卒太子嗣為相國晉王 十二月魏帝禪位于晉王即皇帝位奉魏帝為陳留王

魏帝 太安元年陳留王薨諡曰魏元皇帝

晉滅吳 魏成熙元年 永熙元年

魏元帝 成熙元年吳主寢疾呼丞相濮陽興入令子靈出以託之吳主殂吳人以蜀初亡交阯攜叛欲得長君万或與烏程侯皓相善稱皓才識明斷丞相興說宋太后遂迎立皓皓既得志驕暴驕盛大小失望興竊悔之或譖諸吳主吳入朝吳主執殺之

晉武帝 泰始元年吳西陵督步闡表請吳主徙都武昌 二

年吳主以陸凱為左丞相万或為右丞相吳王惡人視己群臣侍見莫敢舉目 十二月吳主還都建業 二年吳主作昭明宮功役之費以億万計陸凱諫不聽 五年帝有疾

之志以羊祜都督荊州諸軍事鎮襄陽祜緩懷遠近甚得江湖之心與吳人開布大信降者欲去皆聽之墾田八百餘頃其始也軍無百日之糧及其季年乃有十年之積 吳丞相陸凱卒 六年吳以陸抗都督西陵夷道樂鄉公安諸軍事抗以吳主政事多闕上疏以聞吳主不納 七年吳人刁玄詐增讖文云黃旗紫蓋見於東南吳主信之大舉兵從牛渚西上行遇大雪兵士寒凍殆死乃還 八年帝與羊祜陰謀伐吳祜以為伐吳宜藉上流之勢密表留王儋復為益州刺史使治水軍尋監益梁諸軍事詔儋罷屯田兵大作舟艦 八月吳西陵督步騭據城來降以闡為都督西陵諸軍事吳陸抗同步闡叛亟遣左弼吳彥等討之吳主既克西陵自謂得天助志益張大不脩德政專為兼并之計 羊祜歸自江陵務修德信以懷吳人每交兵刻日方戰不為掩襲之計 吳主用諸將之謀數侵盜晉邊陸抗上疏吳主不從 九年

吳以陸抗爲大司馬荊州牧 十年陸抗疾病上疏曰西陵
建平國之藩表旣歿上流受敵二境臣死之後乞以西方爲
屬及卒吳主使其子晏玄機雲分將其兵 咸寧元年以羊
祜爲征南大將軍祜上疏請伐吳帝深納之朝議方以秦涼
爲憂惟杜預張華與帝意合贊成其計 四年羊祜以病求
入朝面陳伐吳之計帝善之以祜病不宜數入更遣張華就
問籌策帝欲使祜以護諸將祜曰取吳不必臣行但旣平之
後當勞聖慮耳 十一月羊祜疾篤奉杜預自代乃以預爲
鎮南大將軍都督荊州諸軍事預至鎮簡精銳襲吳西陵督
張政大破之 五年吳主每宴群臣咸令沉醉又置黃門郎
十人爲司過宴罷之後各奏其闕失由是上下離心莫爲及
力 益州刺史王濬上疏願陛下無失事機帝於是決意伐
吳以張華爲度支尚書量計運漕十一月大率伐吳遣琅邪
王佃出涂中王渾出江西王戎出武昌胡奮出夏口杜預出
江陵王濬出巴東唐彬下巴蜀命賈充爲使將中軍南屯襄
陽爲諸軍節度 太康元年杜預向江陵王渾出槎江攻吳
鎮戍所向皆克二月戊午王濬唐彬擊破丹陽監庚申濬克
西陵壬戌克荊州夷道二城杜預遣周旨等帥奇兵八百汎
舟夜渡江襲樂師吳都督孫顏出拒大敗旨虜歆而還杜預
進攻江陵克之於沅湘以南接于交廣州郡皆望風送印綬
預仗節稱詔綏抚之遂指授羣帥方畧徑造建業 初詔書
使王濬下建平受杜預節度濬至西陵預與之書曰足下旣
摧其西藩當徑取建業濬大悅自武昌順流徑趣建業濬戎
卒八百方舟百里鼓譟入于石頭吳主皓詣軍門降濬延請
相見收其圖籍克州四郡四十三戶五十二萬兵二十二萬
朝廷聞吳已平羣臣皆賀上曰此羊太傅之功也四月詔
賜孫皓爵歸命侯

西晉之亂

賈氏

諸王

胡羯

江左中興

建武元年

魏元帝咸熙元年初晉主娶王肅之女生炎及彼彼性孝文多才藝嘗聞過於炎晉王欲以彼為卅子何曾裴秀曰中撫軍聰明神武天表如此非人臣之相也晉王由是意安立炎為卅子

晉武帝泰始元年帝徵魏氏孤立之敵大封宗室授以職任

七年賈充自文帝時寵任用事帝之為太子充頗有力故益有寵於帝充為人巧諂與荀勗荀勗為統相為黨交朝野患之會搆機能亂秦雍帝以為憂侍中任愷薦充為都督秦涼二州諸軍事充患之私問於荀勗勗曰獨左統好太子可不辭而自當於是荀勗荀勗皆稱充女絕美且有才德帝從之留充復居舊位八年以賈充為司空侍中尚書令領兵如故十年皇后楊氏初鎮軍大將軍胡奮女為貴嬪有寵於帝后疾篤恐帝立貴嬪致太子不安泣曰叔父駱女芷有德色願陛下以備六宮帝許之咸寧二年立皇后

楊氏以后父駱為車騎將軍十月衛瑾為尚書令是時朝野咸知太子昏愚不堪為嗣雍陽醉跪帝牀前曰此座可惟帝意悟密封尚書疑事令太子決之賈妃大懼倩外人代對帝省之甚悅先以示瑾乃知瑾嘗有言也賈充密遣人語妃云衛瑾老奴幾敗汝家太康元在漢魏以來老胡鮮卑降者多處之塞內諸郡其後漸為民患郭欽上疏且及平吳之感漸徙於邊地帝不聽二年帝既平吳頗事游宴忘於政事右父揚駁弟珧濟始用事美傾中外時人謂之三楊三年帝喟然問劉毅曰朕可方漢之何帝對曰桓靈帝桓靈賣官錢入官庫陛下賣官錢入私門殆不如也張華以文章才識各重一時帝問誰可托後事老華對以明德至親莫如齊王由是忤旨以華都督幽州諸軍事齊王攸德望日隆荀勗馮統揚珧皆惡之統言於帝詔齊王攸為大司馬都督

青州諸軍事十年帝極意聲色遂至成疾揚駁忌汝南王

亮排出之。初帝以才入謝政，賜太子生皇孫，適帝奇之，擬以宣帝帝知太子才，恃通明慧，故无廢立之心。又恐楊氏之逼，復以王佑爲北軍中候，典禁爲皇孫，適高選僚佐，以劉寔志行清素，命爲廣陵王傅。

題 永熙元年，帝疾篤，未有顧命，楊駿獨侍疾，禁中因輒以

私意改易，要近樹其心腹。時汝南王亮尚未發詔，以亮與駿同輔政，駿借詔觀之，便藏去。帝復迷亂，皇太后奏以駿輔政。四月，詔以駿爲太尉、都督中外諸軍、侍中、錄尚書事。遂趨汝南王亮赴鍾帝崩。太子卽皇帝位，立賈氏爲皇太后。太尉駿爲太傅，錄朝政。駿爲政嚴碎，專懷中外多惡之。八月，立廣陵王適爲太子。元康元年，賈后怙多權，畧不肯以婦道事太后。

又欲干預朝政，而爲太傅駿所抑。駿中郎孟觀、李肇比駿所不禮。賈后密與觀、肇謀誅駿，廢太后使肇報楚王璋。璋許之。二月，璋及淮南王允來朝。三月，觀、肇啓帝夜作詔誅駿，謀反。

命東安公繇帥殿中兵百人討駿。楚王璋屯司馬門殿中，兵出燒殿，府駿逃于馬廐，就殺之。夷三族死者數千人。賈后矯詔送皇太后于永寧宮，廢爲庶人。徵汝南王亮爲太宰，與

太保衛瓘比錄尚書事。以楚王璋爲衛軍將軍，東安公繇進爵爲王。亮欲取悅衆心，論誅楊駿之功，督將侯者千八十一人。賈后族兄模從舅郭彰、女弟之子賈謐與璋等皆附於謐。

於是賈謐郭彰權勢愈盛，論雖驕奢而好學，喜延士大夫。郭韋石崇、陸機、機弟雲、潘岳、左思、劉琨、興弟珣等皆附於謐。號曰二十四友。太宰亮大保瓘以楚王璋剛愎好殺，惡之。欲

奪其兵權，遣之國。賈后患二公執政已不得專，必使帝作手詔賜璋免亮及瓘官。璋矯詔執而殺之。是時內外擾亂，朝廷

恟懼。張華白帝遣殿中將軍王宮齎鷹犬幡出，麾衆曰：「楚王矯詔勿聽也。」衆皆釋仗而走。遂執璋，下廷尉斬之。於是賈后專朝，委政親黨，以賈模爲散騎常侍，加侍中。賈謐與后謀

以張華庶姓無偏上之嫌而儒雅有壽畧乃以華為侍中中書裴頠裴楷加侍中與石僕射王戎並管機要華盡忠帝室賈后雖凶險猶知敬重華賈瓌與華頠同心輔政故數年之間雖閹主在上而朝野安靜華等之力也 六年征西大將軍趙王倫信用嬖人孫秀等擾亂閹右朝廷召倫為車騎將軍倫至洛陽用秀計深交賈郭因求錄尚書事張華裴頠固執以為不可倫秀由是惡之 是時王衍為尚書令樂廣為河南尹皆善清談宅心事外名重當出朝野之人爭慕效之山濤曰誤天下蒼生者未必非此人也 賈后淫虐日甚賈模恐禍及己憂憤而卒以裴頠為尚書僕射 帝為入贛駭權在群下政出多門勢位之家更相薦托有如互市賈郭恣橫貨賂公行魯褒作錢神論以譏之 賈后無子更謀害太子太子性剛知賈謚恃中宮驕貴不能假借之謚諸太子於后帝曰今賜死張華議至日西后見華等議堅懼事變乃表免太子為庶人 永康元年賈后使黃門自首欲與太子為逆詔以太子幽于許昌宮 太子既廢衆情憤怒有衛督司馬雅常從督許起謀廢賈后復太子以趙王倫執兵柄性貪冒可假以濟事乃說孫秀使言於倫倫納焉事將起孫秀言於倫曰太子聰明剛猛必不受制於人不若迂延緩期賈后必害太子然後廢賈后為太子報讎可以得志倫然之秀因使人行反間賈后使黃門孫慮毒太子太子不肯服慮以藥拊推殺之 四月趙王倫孫秀將討賈后迎帝幸東堂以詔召賈謚於殿前斬之廢后為庶人倫陰與秀謀篡位乃執張華裴頠等皆斬之矯詔賜賈后死 中護軍淮南王允知倫秀有異志陰養死士謀討之八月轉允為大尉外示優崇實奪其兵權允稱疾不拜遂帥國兵及帳下七百人直出圍相府倫與戰屢敗乃使伏胤詐言有詔助淮南王允允下車受詔胤因殺之 詔加相國倫九錫 十一月立皇后羊氏尚

書郎羊舌之之女也 永寧元年散騎常侍義陽王威秀諂

事倫倫使威逼奪帝璽綬禪位于倫倫備法駕入宮即帝位
改元建始帝出居金墉城尊為太上皇改金墉曰永昌宮

齊王囧成都王穎河間王顥常山王乂等起兵討倫倫秀軍

敗憂懣不知所為左衛將軍王輿與尚書廣陵公淮帥營兵
入宮攻孫秀斬之使倫為詔曰吾為孫秀所誤今已誅秀其

迎太上皇復位帝自端門入升殿詔送倫付金墉城乃賜倫
死 詔以齊王囧為大司馬加九錫 太安元年囧既得志

頗驕奢擅權中外失望 河間王顥上表陳囧罪狀囧大懼
張方帥兵二萬軍新安徵長沙王義使討囧乂將左右百餘

人奉太子攻大司馬府囧眾大敗執囧出斬於闔闔門外
二年大將軍穎恃功驕奢百度廢弛甚於齊王囧時嫌長沙

王乂在內不得逞其欲與河間王顥共表乂論功不平與右
僕射羊玄之專擅朝廷起兵誅之顥以張方為都督 求與

元年乂屢與穎戰破之東海王越慮事不濟夜收乂送別省
密告張方取乂殺之穎入京師復還鎮鄴詔以穎為丞相加

東海王越守尚書令河間王顥還鎮長安 二月丞相穎表
廢皇后羊氏廢皇太子覃為清河王詔以穎為皇太弟乘輿

服御皆迁于鄴太弟穎奢侈日甚嬖倖用事大失眾望東海
王越與右將軍陳眡等謀討之七月復皇后羊氏及太子覃

越奉帝北征穎遣石超率眾五万拒戰乘輿敗績石超奉帝
幸其營帝入鄴越奔還東海八月復廢太子覃及羊后 太

弟穎表劉淵為冠軍將軍將兵在鄴以淵子聰為積弩將軍
右賢王宣等謀共立淵為大單于 王浚東嬴公騰起兵

淵說穎曰請為殿下還說五部以赴國難穎悅拜淵為北單
于參丞相軍事 王浚東嬴公騰合兵擊王斌大破之鄴中

大震百僚奔走盧志勸穎奉帝還洛陽 張方擁兵專制朝
政太弟穎不得復預事十一月劫帝迁都長安復皇后羊氏

詔太弟穎以成都王還第更立豫章王熾爲皇太弟帝兄弟二十五人時存者淮穎熾及吳王宴晏才庸下熾冲素好學故太宰顥立之 二年東海中尉劉洽以張方劫迁車駕勸司空越起兵討之奉迎天子還復舊都於是范陽王熾及王浚等共推越爲盟主浚遣其將祁弘帥突騎鮮卑烏桓爲先驅 光熙元年祁弘西入關太宰顥單馬逃入太白山弘等入長安奉帝東還洛陽以司空越爲太傅錄尚書事范陽王熾鎮鄴南陽王模鎮武昌王浚領幽州刺史十月熾薨夜賜穎死十一月帝食麪中毒崩于顯陽殿太弟即皇帝位尊羊后曰惠皇后懷帝始遵舊制於東堂聽政每至宴會輒與群官論衆務考經籍黃門侍郎傅宣歎曰今日復見武帝之出矣

矣

晉書 卷一百一十五

帝 永嘉元年王彌寇青徐二州自稱征東大將軍 帝親覽大政留心庶事太傅越不悅因求出藩乃出鎮武昌 以琅邪王睿爲安東將軍都督揚州鎮建業睿以安東司馬王導爲謀主推心信任導說睿曰顧榮紀瞻此土之望宜引之以結人心睿乃使導躬造循榮二人皆應命而至江東歸心焉 以王衍爲司徒 二年漢王淵寇平陽淵徙都蒲子上郡即皇帝位 二年漢石勒寇鉅鹿常山衆至十餘万勒以張賓爲謀主刀盾爲股肱孔萇爲爪牙并州諸胡羯多從之 四年京師饑困日甚大傅越遣使以羽檄召天下兵使入援京師卒无至者 五年東海孝王越薨王衍等相與奉越喪還葬東海石勒率輕騎追之无一人得免者執太尉衍等坐之幕下曰破壤天下非君而誰夜使人排墻殺之剖越棺焚其尸 漢主聰使前軍大將軍呼延晏將兵二万七千寇洛陽比及河南晉兵前後十二敗始安王曜王弥石勒皆引兵會之帝具舟於洛水將東走晏及焚之克宣陽門入帝出漢兵執之幽於端門 時海内大乱獨江東羗安中國士民



避乱者多南渡江 周顛為軍訟祭酒桓爨亦避乱江見
王導共論出事退謂顛曰向見管夷吾无復憂矣 六年漢
主封帝為會稽鄉公


建興元年四月懷帝凶問至長安皇太子李衷即皇帝
位以麴允為左僕射索綝為衛將軍軍國之事悉以委之
漢中山王曜寇長安詔麴允屯黃白城以拒之 三年漢大
司馬曜轉寇上郡帝屢徵兵於丞相保保須諸軍集乃發於
長自長安以西不復貢奉朝廷百官饑乏採糶以自存 九
月曜攻陷長安外城麴允索綝退守小城以自固十一月帝
立書東門降聽以帝為光祿大夫封懷安侯 琅邪王睿聞
文安不守出師露次躬擐甲胄移檄四方刻日北征

建武元年宋哲薨江東稱受愍帝詔令琅邪王睿統攝
万機三月王素服出次至良三日即晉王位 大興元元年

三月愍帝凶問至建康王斬縶居廬既而即皇帝位

袁氏通鑑紀事本末撮要卷之四





袁氏通鑑紀事本末撮要

(三)

袁氏通鑑紀事本末

祖逖北伐

晉書卷一百一十五

晉書

卷一百一十五

祖逖傳



晉愷帝建興元年祖逖與劉琨同寢中夜聞雞鳴躍起誓曰此非惡声也因起舞及渡江以為軍諮祭酒逖居京師

合驍健言於睿睿素無北伐之志以逖為奮武將軍豫州刺史給千人廩不給鎧仗使自召募逖渡江中流擊楫而誓曰

祖逖不能清中原而後濟者有如此江遂屯淮陰

募得二千餘人而後進大興三年祖逖鎮襄陽

擊後趙兵後趙鎮戍歸逖者甚多境土漸促七月詔加逖鎮西將軍後趙王勒患之與逖書求通逖怒諸將不復侵暴後

趙之民邊境之間稍得休息四年以尚書僕射戴淵為征西將軍都督司兗豫并雍冀六州諸軍事逖以戴淵吳士雖

有才望无私智遠識又聞王敦與劉乃構隙將有内乱知大功不遂感激發病卒十月以逖弟終為西平將軍豫州刺史

領逖之衆 永昌元年祖逖既卒後趙屢寇河南祖約不能禦定屯壽春後趙遂取陳留梁鄭之間復騷然

晉成帝咸康六年都亭侯庾亮薨以南郡太守庾翼為都督

江荆司雍梁益六州諸軍事代亮鎮武昌時人疑翼年少不能繼其兄翼悉心為治戎政嚴明數年之間公私充實人稱

其才 八年庾翼在武昌數有妖怪欲殺鎮樂昌王述與庾水牋曰樂鄉遠在西陲一朝江渚有虞不相接救朝議亦以

為然翼乃止

穆帝永和元年以會稽王昱為撫軍大將軍錄尚書六條事

八月庾翼卒以徐州刺史桓温為安西將軍都督荆司雍益梁寧六州諸軍事荆州刺史 二年桓温薦前光祿大夫

顧和前司徒左長史殷浩三月以和為尚書令浩為建武將軍揚州刺史 四年會稽王昱以揚州刺史殷浩有盛名朝

野推服乃引為心膂與蔡綜朝權欲以抗溫由是與溫復相疑貳五年桓溫聞趙胤出屯安陸遣諸將經營北方趙揚州刺史王浹率壽春降征北將軍楮襲上表請伐趙即日戒嚴直指泗口徑赴彭城北方士民降附者日以千計朝野皆以為中原指日可復蔡謨獨謂所親曰胡斌誠為大慶然恐更貽朝廷之憂七年桓溫屢求其代詔書不聽十二月溫拜表輒行帥衆四五萬順流而下殷浩欲去位以避溫王彪之高崧言於會稽王昱致書論以禍福溫即上疏謝回軍還鎮八年殷浩上疏請北出許洛詔許之十年殷浩連年北伐師徒屢敗桓溫因朝野之怨上疏數浩之罪朝廷不得已免浩為庶人自此內外大權一歸於溫矣桓溫統步騎四萬伐秦三輔郡縣皆來降溫撫諭居民使安堵復業十二年桓溫自江陵北伐遣高武據魯陽戴屯河上自帥大兵繼進與秦屬登平乘樓臺中原數日遂使神州陸沉百

拓拔興魏

晉文帝興寧三年劉衛辰復叛代代王什翼健東渡河擊走之

太元十一年拓拔珪大會於牛川即代王位改元登

國徙居定襄之盛樂歡農息民國人悅之珪尋改稱魏王二十一年魏王珪潛自晉陽開韓信故道自井陘趨中山自常山以東守幸或走或降諸郡縣皆附於魏惟中山鄴信都三城為燕守十一月珪命東平公儀攻鄴冠軍將軍王建攻

信都自進軍攻中山

安帝隆安元年。魏王珪自將攻信都。遂隆復園中山。二年。魏王珪遷都平城。始營宮室。建宗廟。立社稷。十二月。珪即皇帝位。改元天興。已上晉見安帝紀

劉裕篡晉 起隆安三年 求初年

晉安帝隆安三年。初彭城劉裕生而母死。父翹僑居京。只家貧。將棄之。其從母乳之。及長。勇健。有大志。劉牢之擊孫恩。引裕參軍事。

元興三年。相玄之亂。劉裕入朝。玄謂王謐曰。裕風骨不常。蓋人傑也。玄后劉氏謂玄曰。劉裕龍行虎步。瞻視不凡。恐終不為人下。不如早圖之。玄曰。我方平蕩中原。非裕莫可用者。候閑河平定。然後別議之。劉裕與何无忌密謀。

興復。劉邁弟毅亦与无忌謀討玄。於是相与合謀起兵。劉裕克京口。玄懼。浮江南走裕。入建康。王謐推裕為使持節都督揚徐兗豫青冀幽并八州諸軍事。徐州刺史。玄至羸陽。逼帝西上。劉裕等追之。玄挾帝走入江陵。馮迁擊斬之。乘輿反正。於江陵。劉裕等傳送。玄首梟于大桁。義熙元年。何无忌奉帝東還。二月。帝至建康。以劉裕為都督中外諸軍事。四月。裕還鎮京口。

四年。徵裕為侍中。揚州刺史。五年。裕抗表伐南燕。帥舟師自淮入泗。南燕主超聞有晉師。引羣臣會議。公孫五樓曰。宜據大峴。使不得入。超曰。縱使入。峴以精騎蹂之。何憂不克。劉裕過大峴。燕兵不至。裕喜。形于色。進与燕兵戰于臨朐。燕衆大敗。超遁還廣固。北方之民歸裕者日以千數。六年。初徐道覆聞劉裕北伐。勸盧循乘虛襲建康。循從之。朝廷急徵劉裕。裕至建康。盧循与道覆合兵而下。裕大治水軍。遣孫處自海道襲番禺。隅四面攻之。拔其城。裕帥衆軍擊循。循兵大敗。徑還番禺。七年。盧循至番禺。孫處擊破之。循奔交州。刺史杜慧度斬首送建康。十二年三月。太尉裕戒嚴將伐秦。詔加裕領司豫二州刺史。十一月。裕遣左長史王弘還建康。諷朝廷求九錫。十二月。詔以裕為相國。總百

授揚州牧封十郡為宋公備九錫之禮 十二年秦主泓前
主鎮惡壘兩降太尉裕至長安鎮惡迎於灊上裕勞之鎮惡
謝曰明公之威諸將之力裕乃以次子桂揚公義真為都督
雍梁秦三州諸軍事領雍東秦二州刺史義真時年十二以
王鎮惡為司馬三秦父老聞裕將還詣門流涕十二月裕還
長安自洛入河開汴渠以歸 十四年宋公裕以讖云昌明
之後尚有一帝乃使王韶之以散未諡帝裕稱遺詔奉琅瑯
王德文即位 曰諡曰恭帝

恭帝 元熙元年七月宋公裕進爵為王 曰諡曰恭帝

宋高祖 永初元年宋主欲受禪而難於發言乃集朝臣宴飲
從容言中書令傅亮還外乃悟請暫還都王解其意无復他
言亮即時奉辭至建康徵王入朝六月亮諷晉帝禪位于宋
王為壇於南郊即皇帝位奉曹恭帝為零陵王 二年帝令
兵入進藥於王王不肯飲兵人以被掩殺之帝帥百官臨于
朝堂三日 曰諡曰高祖

元魏寇宋 魏義熙三年景平元年

晉安帝 義熙十三年魏主嗣問於崔浩曰劉裕伐姚泓果能
克乎對曰克之嗣曰裕既入關不能進退我以精騎直擣彭
城壽春裕將若之何對曰裕克秦而歸必集其主願陛下按
兵息民以觀其變然猶命長孫高叔孫建各各簡精兵同裕西
過自成臯濟河南侵彭沛若不時過則引兵遁之 晉安帝紀

宋景平 元年魏人拔洛陽 五月魏主還平城 魏主還平城

宋文圖恢復 元嘉七年

宋文帝 元嘉七年帝自踐位以來有恢復河南之志三月詔
簡甲卒五萬給右將軍到彦之彦之自淮入泗泗水濬日行
纔十里自四月至七月至預昌乃沂河西上魏以河南四鎮
兵少命諸軍收衆北渡於是碭嶺滑臺洛陽虎牢戍兵皆棄
城去到彦之留朱脩之守滑臺尹冲虎牢諸軍進屯靈昌

津列守南岸。至于潼關。於是司寇既平。諸軍皆喜。王仲德獨有憂色。十月。劉彥之等沿河邊守魏河北。諸軍會於七夕。

津進攻虎牢。拔之。尹冲及滎陽太守崔暎降魏。八年。檀道

濟等進。至洛上。二十餘日。間前後与魏三十餘戰。道濟多捷。軍

至歷城。魏叔孫建等邀其前後。焚燒穀。道濟軍乏食。不能

進。由是安頡等得專力攻滑臺。執朱脩之。道濟等食足。魏人

追之道。道濟夜鳴籌量沙。以所餘少米覆其上。及日。魏軍見之。

謂道濟嘗糧有餘。不敢逼。稍稍引退。道濟全軍而返。二十

二年。帝以魏寇為憂。咨訪群臣。何承天上表。以為凡備匈奴

之策。不過二科。武夫。一征伐之謀。儒生。講和親之約。要而歸

之其策。有四。一曰珍速。就近。二曰多築城邑。三曰募犒車牛。

四曰計丁課代。二十六年。帝欲經畧中原。群臣爭獻策。以

迎合取寵。王玄謨尤好進言。帝謂侍臣曰。觀玄謨所陳。令人

有封狼居胥意。二十七年。上欲伐魏。徐湛之。江湛。王玄謨

等並勸之。沈慶之。蕭惠話。諫上皆不從。七月。大起軍旅。王公

妃主及朝士牧守。下至富民。各獻金帛雜物。以助國用。又以

兵力不足。悉發青冀徐豫二兖六州民丁。王玄謨進圍滑臺。

九月。魏主引兵南救之。玄謨士眾甚盛。河洛之民出穀操兵。

來赴者。日以千數。玄謨不即其長帥。而以配私暱。由是眾心

失望。攻城數月不下。十月。魏主渡河。眾號百萬。鞞鼓之聲。震

動天地。玄謨懼走魏人。追擊之。死者萬餘人。十一月。弘農太

守柳元景使薛安都等攻陝。魏張是連提。即眾二萬度嶠。救

之。安都等与戰于城南。魏人縱突騎。諸軍不能敵。安都怒。挺

身奮擊。諸軍文且奮。魏眾大潰。斬張是連。提及將卒。關中豪傑

皆來送款。上以王玄謨敗退。魏軍深入。柳元景等不宜獨進。

皆召還。魏主至彭城。立檀屋於戲馬臺。以望城中。攻彭城不

克。十二月。引兵南下。人馬飢乏。不食。瓜。苦。言欲渡江。建康震

懼。民皆荷檐而立。上登石頭城。有憂色。謂江湛曰。今日士民

勞怨予之過也 二十八年魏主大會羣臣於瓜步山班爵行賞撫居民焚廬舍而去魏人凡破南兗徐豫青冀六州殺掠不可勝計所過郡縣赤地無餘春鷲歸巢於林木魏之士馬死傷亦過半自是邑里蕭條元嘉之政衰矣 二十九年上聞魏世祖殂更謀北伐遣蕭思話督張永等向碣磔曾爽將荊州甲士四萬出許洛雍州刺史臧質帥所領趣潼關以

上書見文帝紀

宋明帝北伐 魏泰始五年

宋明帝泰始二年晉安王子勳之敗於尋陽也徐則刺史薛安都益州刺史蕭惠開梁州刺史柳元怙兖州刺史畢眾敬豫章太守常珍奇並遣使乞降上以南方已平欲示威淮北十月命張永沈攸之將甲士五萬迎薛安都宗良宗曰安都歸順此誠非虛正須遣使尺書今以重兵迎之勢必疑懼或能招引北虜為患乃深上不從安都聞大兵北上懼遣使乞降於魏常珍奇亦以懸瓠降魏皆請兵自救魏遣尉元孔伯恭等出東道救彭城西河公石張窮奇出西道救懸瓠張永沈攸之進兵逼彭城元使安都守彭城自將兵擊永絕其糧道 三年張永等棄城夜遁尉元邀其前薛安都乘其後大破永等於呂梁之東永與攸之僅以身免上聞之召蔡良宗以敗書示之曰我愧卿甚由是失淮北四州及豫州淮西之地 五年沈文秀守東陽魏人圍之二年外无救援士卒晝夜拒戰甲冑生蟣虱无離叛之心魏拔東陽於是青冀之地尽入於魏矣

蕭道成篡宋 魏泰始五年 建元元年

宋明帝泰始三年上遣蕭道成將千人鎮淮陰道成收養豪俊賓客始盛垣榮祖奔响山道成以為戍主垣榮祖亦奔响山往依道成 九年以淮陰為北兖州徵蕭道成入朝道成所親以朝廷方誅大臣勸勿就徵道成曰主上自以太子推

勞怨予之過也 二十八年魏主大會羣臣於瓜步山班爵行賞撫居民焚廬舍而去魏人凡破南充徐豫青冀六州殺掠不可勝計所過郡縣赤地無餘春鷲歸巢於林木魏之士馬死傷亦過半自是邑里蕭條元嘉之政衰矣 二十九年上聞魏世祖殂更謀北伐遣蕭思話督張永等向碭碭曾爽將荊州甲上四萬出許洛雍州刺史臧質節所領趣潼關以

宋明帝北伐 魏泰始五年

宋明帝 泰始二年晉安王子勳之敗於尋陽也徐則刺史薛安都益州刺史蕭惠開梁州刺史柳元怙兖州刺史畢眾敬豫章太守常珍奇並遣使乞降上以南方已平欲示威淮北十月命張永沈攸之將甲士五萬迎薛安都宗曰安都歸順此誠非虛正須單使尺書今以重兵迎之勢必疑懼或能招引北虜為患乃深上不從安都聞大兵北上懼遣使乞密謀誅道成道成使王敬則收蘊殺之遺戴僧靜并力攻粲粲父子俱死劉秉走至額擔湖追執斬之 二年王儉少有宰相之志時論亦推許之道成以儉為太尉右長史待遇隆密王儉乃唱議使中書舍人虞整作詔進道成假黃鉞大都督中外諸軍事太傅領揚州牧

齊 建元元年以大傅為相國摠百揆封十郡為齊公加九錫以王儉為齊尚書右僕射領吏部 四月進齊公爵為王宋順帝下詔禪位于齊王即皇帝位于南郊奉順帝為汝陰王後衛士殺主以疾聞

元魏寇齊 魏建武元年 魏永元元年

齊明帝 建武元年魏王以上廢海陵王自立自將大率入寇十二月魏遣薛真度督四將向襄陽劉昶主肅向義陽拓跋行向鍾離劉藻向南鄭 二年遣王廣之督同州蕭坦之督徐州沈文季督豫州諸軍以拒魏魏認淮北之人不得侵掠

二月魏主渡淮至壽陽衆号三十万鐵騎弥望遣使呼城中
人豐城公遙昌使參軍崔慶遠出應之魏主曰齊王何故廢
立慶遠曰廢昏立明古今非一魏主曰卿主若不忘忠義何
以不立近親如周公之輔成王乎慶遠曰今近親皆非成王
之比霍光亦捨武帝近親而立宣帝唯其賢也魏主大笑曰
朕來問罪如卿之言便可釋然魏主曰卿欲吾和親爲不欲
乎慶遠曰裁自聖衷魏主賜慶遠酒殺衣服而遣之魏主循
淮而東民皆按堵 四年將軍魯康祚趙公政將兵万人侵
魏太倉口魏豫州刺史王肅使長史傅永將甲士三千擊之
生擒公政獲康祚之尸以歸 永泰元年魏統軍李佐攻新
野拔之於是汚北大震

魏主 永元元年魏主疾甚北還殂于穀塘原

蕭衍篡齊

齊 史始安王遙光尚書令徐孝嗣右僕射江柘右將軍蕭垣之
侍中江祀衛尉劉暄更直内省分日帖敕雍州刺史蕭衍聞
之謂從舅張弘策曰一國三公猶不堪况六貴同朝勢必相
圖乱將作矣乃密與弘策修武備聚驍勇以万数多伐材竹
沉之檀溪吕僧珍亦私具楫数百张既而六貴果以争摧各
謀廢立誅 帝數与近習謀誅大臣發於倉猝人人莫能自
保 二年蕭懿爲尚書令懿衍之兄嬖臣恕法珍等憚懿威權說
帝賜懿藥於省中衍聞懿亡是日建牙集衆得甲士万餘人
舡三千艘出檀溪竹木裝艦諸將爭楫吕僧珍出先所具者
每舡付二張是時南康王玉融爲荊州刺史乃以宝融教以
衍爲使持節都督前鋒前軍事移檄建康数帝罪惡稱奉宣
德皇太后令南康王宜篡承皇祚方俟清宮未即大號

齊 中興元年正月蕭衍發襄陽 三月南康王即皇帝位

於江陵改元大赦加蕭衍征康大將軍都督征討諸軍事假黃鉞以舟師襲加湖加湖清野魯二城相繼而降衍乘勝直指建康十一月衍軍長驅至宣揚門衍鎮石頭東昏侯驅逼士民悉入宮城閉門自守會兖州刺史張縵入衛京師參軍張齊密與縵謀同弑東昏遣范雲等送詣石頭衍使張弘策先入清宮衍以宣德太后令追廢浚陵王為東昏侯衍入鎮殿中

元魏 天監元年齊和帝遣席闡文等慰勞建康進大司馬衍都督中外諸軍事劍履上殿贊拜不名大司馬內有受禪之志沈約微扣其端大司馬然之約出大司馬召范雲告之雲對畧肩約言於是詔進大司馬位相國總百揆揚州牧封十郡為梁公備九錫二月詔梁公進爵為王齊和帝東歸至姑熟下詔禪位于梁王即皇帝位奉和帝為巴陵王尋殺之

元魏之亂 天監十八年 中大通五年

元魏 天監十八年魏征西將軍張彝之子封事求銓削選格排折武人不使豫清品於是喧譁盈路剋期會集屠害其家二月羽林虎賁近千人以瓦石擊省門遂毀釋堂下焚其第舍生投之火中太后收掩羽林虎賁凶強者八人斬之其餘不復窮治因令武官得依資入選識者知魏之將亂也
大通二年魏靈太后再臨朝以嬖倖用事政事縱弛威息不立盜賊逢起是時討虜大都督尔朱榮在勢強盛魏朝憚之高觀往歸榮二月帝暴殂太后立故臨洮王寶暉世子釗釗始生二歲太后欲久專政故貪其幼而立之尔朱榮聞之大怒四月榮濟河備法駕迎敬宗於河橋遣騎沈太后及幼主於河 中大通二年魏尔朱榮雖居外藩遥制朝政帝常快快由是密有圖榮之意榮入朝帝手刃之是夜尔朱世隆帥榮部由楚西陽門出屯河陰汾州刺史尔朱兆聞榮死

自汾州帥騎據晉陽世隆至長子兆來會之共推太原太守
長廣王曄即皇帝位兆輕兵陪道兼行從河橋西涉渡執帝
鎖於永安寺樓上遷於晉陽縊殺之 三年世隆兄弟密議
以長廣王疎遠又无人望欲更立近親廣陵王恭好孝有志
度乃以長廣王之命禪位于廣陵王 高歡起兵討尔朱氏
以兆試敬宗也乃立渤海太守元朗為帝朗即位于信都
歡為侍中丞相都督中外諸軍事歡以安定王疎遠更立平
陽王脩乃為安定王作詔策而禪位焉孝武帝即位于東郭
之外酖節閔帝於門下省 五年尔朱兆自縊於樹高歡親
臨厚葬之

袁氏通鑑紀事本末撮要卷之六

魏分東西 中大通五年 中大通四年 大清元年

梁武帝

中大通五年魏賀拔岳遣使詣晉陽高歡與約為兄

弟司馬宇文泰自請使晉陽以觀歡之為人歡奇其狀貌曰此兒瞻視非常將留之泰固求復命歡既遣而悔之泰至長安謂岳曰高歡所以未篡者止憚公兄弟耳公但潛為之備圖歡不難岳大悅以夏州被邊要重欲求良刺史以鎮之衆奉宇文泰岳沉吟累日卒表用之六年王思政言於魏王曰高歡之心昭然可知洛陽非用武之地宇文泰乃心王室今往就之遂復舊京何慮不克帝深然之丞相歡竟其變上表極言宇文泰解斯椿罪惡帝以宇文泰兼尚書僕射為關西大行臺歡勒兵南出宇文泰亦移檄州郡數歡罪惡自將大軍屯于汝水七月歡引兵渡河魏主遂帥南陽王寶炬清河王亶以五千騎西出長安歡入洛陽泰備儀衛迎帝帝遂入長安以泰為尚書令軍國之政咸取決焉十月歡至洛陽集百官者舊立清河世子善見為帝孝靜帝即位于城東北時年十一改元天平迁都鄴魏孝武帝復與泰有隙十二月帝飲酒遇醜而疽泰乃奉太宰南陽王寶炬而立之大同元年魏文帝即位於城西改元大統進丞相泰為安定公二年魏丞相泰即李弼等十二將伐東魏東魏丞相歡將兵二十萬自壺口趣蒲津泰將士不滿萬人東十里有滑曲先據以待之昔水東西為陳命將士皆偃戈於葦中約聞鼓聲而起晡時東魏兵至望見魏兵少爭進擊之泰鳴鼓士皆奮起東魏兵中絕為二遂大破之歡夜渡河去喪甲士八万人弃鎧仗十有八万泰還軍渭南乃於戰所人種柳一株以旌武功四年東魏侯景等圍魏孤信于金墉太師歡帥大軍繼之魏主將如洛陽拜園陵會信等告急遂與丞相泰俱東泰進軍渾東侯景等夜解圍去十一年魏王思政

李暹孝寬鎮玉壁東魏丞相歡悉率山東之衆攻玉壁晝夜
不息孝寬隨機拒歡奮力皆困因而發疾有星隊歡營中士
卒驚懼乃解圍去 太清元年東魏勃海獻武王歡卒

詳見西魏本紀

高氏篡東魏 齊 太清元年 太宰三年

梁武帝

太清元年東魏靜帝美容儀好文孝從容沉雅時人

以為有孝文風烈大將軍澄深忌之始獻武王自病遂君之
醜事靜帝其恭故其下奉帝莫敢不恭及澄當國倨慢頗甚
帝不堪受辱乃与元瑾等謀誅澄事竟澄幽帝於含章臺

三年勃海文襄王高澄為蘭京所弑太原公洋聞之入討群
賊斬而裔之洋秘不發喪 太玉元年進太原公洋位丞相
齊郡王 五月進齊王洋位相國總百揆備九錫侍中張亮

等見孝靜帝亮曰五行遷運有始有終齊王聖德欽明方
端仰願陛下遠法堯舜帝曰此事推托已久謹當遜避帝出
雲龍門遣王韶等奉靈寶禪于齊戊午齊王即皇帝位改元

天保封東魏主為中山王

二年齊王鳩中山王和叔之并其

三子謚王曰魏孝靜皇帝

詳見西魏本紀

宇文篡西魏 後周 中大通六年 永定元年

魏武帝

中大通六年魏孝武帝復與丞相宇文泰有隙帝飲

酒遇醜而殞泰與群臣議所立乃奉大宰南陽王寶炬而立
之 太清二年魏尚書元烈謀殺宇文泰事泄泰殺之 三

年魏主自元烈之死密謀誅太師泰謀泄泰廢魏主置之雍

州立其弟齊王廓 太平元年以宇文泰為大師大冢宰

十月魏安定文公宇文泰病召中山公護謂曰吾諸子皆幼

外寇方強天下之事屬之於汝宜努力以成吾志乙亥卒於

雲陽世子竟嗣位為大師大冢宰出鎮同州時年十五護綱

紀內外人心遂安 十二月封世子竟為周公 護以周公

幼弱欲早使正位以定人心以魏恭帝詔禪位于周

陳高祖永定元年周公即天王位封魏恭帝為宋公中山公護為大司馬

梁氏亂亡

中大通三年昭明太子統卒 三年上殂太子即皇

帝位 始與太守陳霸先結郡中豪傑欲討侯景郡人侯安

都張德等各帥眾千餘人歸之遣使問道詣江陵受湘東王

繹節度

大寶元年陳霸先進軍南康湘東王繹承制受霸先

明威將軍交州刺史 二年齊以湘東王繹為梁相國建梁

臺總百餘 侯景逼帝禪位于豫章王棟景遣彭騫等帥兵

入殿廢帝為晉安王幽于永福宮棟即帝位改元天正九月上

殂 王僧辨聞太宗殂啓湘東王繹請上尊号繹弗許 豫

章王棟禪位于侯景景封棟為淮陰王

承聖元年景敗太宗已殂豫章王棟及二弟相扶出於

密室遇朱買臣呼之就船共飲未竟並沉於水僧辨因留鎮

建業啓霸先鎮京口 齊政煩賦重江北之民不樂屬齊其

豪傑數請兵於王僧辨僧辨以與齊通好皆不許 公卿藩

鎮數勸進於湘東王十一月世祖即皇帝於江陵改元大赦

侯景之亂州郡大半入魏自巴陵以下至建康以長江為

限荆州界北及武陵西距硤口嶺南復為蕭勃所據詔令所

行千里而近民尸菽藉者不盈三万而已 二年王僧辨發

建康承制使陳霸先代鎮揚州 下詔將還建康胡僧祐等

諫上以建康彫殘江陵全盛意亦安之卒從僧祐等議 上

使王琛使於魏大師泰陰有圖江陵之志梁王僧勰之益重

其貢獻 三年庾季才言於上曰去年八月丙申月犯心中

星今月丙申赤氣入于北斗心為天王丙申主禁分臣恐建子

之月有大兵入江陵 十一月魏軍濟漢帝乘馬出城行柵

以胡僧祐都督城東諸軍事魏兵至柵下胡僧祐親當矢石

書夜督戰衆咸致死所向摧殄俄而僧祐中流矢死反者開門納魏師帝与太子朱賈臣退保金城帝去儀羽文物白馬素衣出降魏使鐵騎擁帝入營囚于烏幔之下爲魏人所殺

敬帝紹泰元年正月梁王督即皇帝位於江陵改元大定追尊昭明太子爲昭明皇帝上疏於魏則稱臣奉其正朔二月晉安王至自尋陽即梁王位時年十二以王僧辨爲都督中外諸軍事加陳霸先征西大將軍齊主与王僧辨書以嗣主冲藐貞陽王以年以望堪保金陵五月僧辨遣龍舟法駕迎之淵明入建康即皇帝位改元天成以晉安王爲太子王僧辨爲大司馬陳霸先爲侍中初王僧辨与陳霸先共滅侯景情好日篤及僧辨納貞陽侯淵明霸先遣使苦爭之僧辨不從霸先乃率兵襲僧辨執而縊殺之淵明遜位出就邸十月晉安王即皇帝位以淵明爲司徒

高祖末定元年王琳將攻陳霸先霸先遣侯安都周文育以擊之安都大敗爲王琳所擒八月進霸先爲相国摠百揆封陳公備九錫十月進陳公爵爲王梁敬帝禪位於陳陳王即皇帝位奉梁敬帝爲江陰王王琳進寇大雷因引兵東下

文帝天嘉元年王琳軍敗與妻妾左右十餘人奔齊二年後梁主以封疆褊隘邑居殘毀干戈日用鬱鬱不得志租發皆而租謚曰宣皇帝太子歸即位

長城公三年梁主租謚曰孝明皇帝太子琮嗣位祥明元年隋徵梁主入朝梁主至長安隋主廢梁国拜梁主琮柱国賜爵莒公

周滅齊

陳文帝天嘉六年齊祖延有文孝世祖即位与和士開共爲女媖詭會有彗星見天上書言陛下雖爲天子未爲極貴宜傳

位東宮且以上應天道齊王從之傳位于太子緯太子即皇
帝位改元天統上世祖尊號為太上皇帝祖珽拜秘書監加
儀同三司 四年齊尚書右僕射祖珽執傾朝野左丞相咸
陽王斛律光惡之光自束髮從軍未嘗敗北深為郢敵所憚
周勳州刺史韋孝寬密為譏言曰百升飛上天明月照長安
令人傳之於郢帝以問珽珽曰百升者斛也斛律累世大功
明月聲震關西女為皇后男尚公主譏言甚可畏也帝信之
執光殺之并殺其子周主聞光死為之大赦祖珽與高元海
共執齊政 七年齊主承世祖奢泰之餘窮極壯麗官由財
進獄以賄成賦繁役重民不聊生周高祖謀伐齊命邊鎮益
儲峙加戍卒齊人聞之亦增修守禦 八年九月周主謂羣
臣曰齊朝昏亂政由羣小百姓嗷然天與不取恐貽後悔
月周主自將伐齊克晉州十一月齊主至平陽周主西還
避其鋒齊師遂圍平陽城中危急周主使齊王憲將兵六萬
北涑川為平陽聲援十二月周主至平陽勸諸軍擊齊師齊
師大潰周主遂帥諸將追齊師齊王還鄴周師趣鄴齊王引
諸貴臣問以禦周之策人人異議齊主不知所從禪位皇太
子 九年正月齊太子恒即皇帝位尊齊王為太上皇帝周
師至鄴城下齊上皇從百騎奔走齊王公以下皆降幼主禪
位于大丞相任城王湣周師奄至上皇與后妃幼主等十餘
騎南走尉遲勤追及不擒之并胡太后送鄴凡得州五十郡
一百六十二縣三百八十

已上並詳見陳文帝紀

楊堅篡周

陳宣帝大建五年周太子贇納妃楊氏妃大將軍隋公堅之
女也 八年太子良帝威嚴矯情修飾由是遇惡不上聞王
軌驟言於帝曰皇太子非社稷主並晉六茹堅貌有反相帝不
悅曰必天命有在將若之何楊堅聞之甚懼 十年周主頊
太子即位宣帝始立即遣李愬大行在殯曾无威容 十一

年宣帝傳位于太子蘭自稱天元皇帝卒後亦其務自寬大
隋公楊堅私謂汝南公慶曰天元寔无積德視其相貌壽亦
不長又諸藩微弱何能及遠 十二年堅位望隆重天元忌
之嘗因忿謂后曰必族滅尔家堅既為帝所忌情不自安天
元備法駕幸天興宮不豫而還召劉昉顧之儀入卧内欲篇
以後事天元璫不能復言昉見靜帝幼冲以楊堅后父有重
名引坐輔政是日帝疽發不發喪矯詔以堅總中外兵馬事
堅革宣帝苛酷之政躬履節儉中外悅之堅夜召太史庾季
才曰吾以庸虛受茲顧命天時人事卿以為何如季才曰天
道精微難可意察竊以人事卜之符兆已定堅默然久之曰
騎虎之勢必不得下 六月尉遲迥知丞相堅將不利於帝
室謀率兵討之乃自稱大總管承制置官司堅發關中兵以
韋孝寬為行軍元帥以討迥迥軍大敗迥擲弓於地罵左丞
相極口而自殺 十二月周以大丞相堅為相國撫百揆進

爵為王賚拜不名備九錫 十三年庾季才勸隋王宜應天
受命於是周主下詔遜位居別宮奉皇帝玺禪位于隋隋主
受冊至大赦改元開皇封周靜帝為介公 十三年隋主潛
害周靜帝而為之季哀

隋滅陳 大建十三年 顯皇帝卒

陳宣帝 大建十三年隋以賀若弼鎮廣陵韓擒虎鎮廬江隋
主有并吞江南之志問將帥於高穎穎薦弼與擒虎故置於
南邊使潛為經略

長安 至德二年上於光昭殿前起臨幸結綺望仙三閣連

延數十間其服玩瑰麗近古所未有上遊宴後庭每使諸妃
嬪及女力士與狎各共賦詩至相贈答被以新声其曲有五
樹後庭花等上盛脩宮室府庫空虛聚斂无厭士民嗟怨將
帥微有過失即奪其兵分配文吏由是文武解駮以至覆滅
祥明元年初隋主受禪以來與陳隣好其驚而高宗猶不

禁侵掠故大康之末隋師入寇會高宗祖隋主即命班師遣使赴弔帝咨之益驕上柱國楊素以為主厚臣死再拜請罪隋主問取陳之策於高頌於是楊素賀若弼及高勵崔仲方等爭獻平江南之策陳後受蕭巖等降隋主益忿謂高頌曰我為民父母豈可限一衣帶水不拯之乎命大作戰船人請密之隋主曰吾將顯行天誅何密之有二年帝遣散騎常侍許善心聘于隋隋人留於客館請還不聽隋出師命晉王廣秦王俊清河公楊素皆為行軍元帥廣出六合俊出襄陽素出永安荆州刺史劉仁恩出江陵蘄州刺史王世積出蘄喜廬州總管韓擒虎出廬州吳州總管賀若弼出廣陵有州總管燕榮出東海凡總管率兵五十一萬八千皆受晉陽節度東接滄海西距巴蜀旌旗舟楫橫亘數千里以左僕射高頌為晉王元帥長史方僕射王韶為司馬軍中事皆取決焉楊素帥水軍東下舟楫蔽江旌甲耀目素坐平乘大船容貌雄偉陳人望之皆懼曰清河公即江神也江濱鎮戍聞隋軍將至相繼奏聞帝從容謂侍臣曰王氣在此奇兵三來周師再來无不摧敗彼何為者耶都官尚書孔範曰長江天塹古以為限隔南北今日虜軍豈能飛度耶故不為深備

隋文帝

開皇元年正月賀若弼自廣陵引兵濟江韓擒虎將

五百人自橫江宵濟采石守者皆醉遂克之賀若弼攻拔京口執南徐州刺史黃恪弼軍令嚴肅秋毫不犯於是所至風靡韓擒虎進攻姑熟半日拔之江南父老素聞擒虎威信來謁軍門者晝夜不絕於是賀若弼自北道韓擒虎自南道並進弼進據鍾山晉王廣杜彥與韓擒虎合軍屯于新林陳人大駭降者相繼弼夜燒北掖門入聞韓擒虎已得陳叔寶呼視之叔寶惶懼流汗股慄向弼再拜弼謂之曰入朝不失作歸命侯无勞恐懼晉王廣入建康收圖籍封府庫資財一无所取天下稱廣以為賢上遣使以陳亡告許善心善心義

服號哭於西階之下詔賜衣一襲明日乃朝伏泣于殿下悲不能興上顧左右曰我平陳國唯獲此人敕以本官直門下省陳國皆平得州三十郡一百縣四百給賜陳叔寶甚厚班同三品

煬帝亡隋

隋煬帝大業元年三月敕宇文愷與封德彝等營顯仁宮南接皂溝北跨洛濱求海內嘉木異草珍禽奇獸以實園苑開通濟渠渠傍皆築御道樹以柳自長安至江都置離宮四十餘所造龍舟數百艘官吏督役嚴急役丁死者什四五五月築西苑周二百里其內爲海周十餘里爲方丈蓬萊瀛洲諸山上好以月夜從宮女數千騎遊西苑作清夜遊曲於馬上奏之八月上行幸江都發顯仁宮出洛口御龍舟舳舻相接二百餘里所過州縣五百里內皆令獻食二年詔吏部尚書牛弘等議定輿服帝每出遊幸羽儀亘二十餘里文物之盛近世莫及三月上發江都入東京裴蘊奏括天下周齊梁陳樂家子弟皆爲樂戶其六品以下至庶人有善音樂者皆直太常於是四方散樂大集東京閱之於芳華苑積翠池側兩京錦綉爲之空竭三年三月帝還長安詔發丁男十餘萬築長城西距榆林東至紫河八月車駕發榆林歷雲中泝金河突厥啓民可汗奉廬帳以俟車駕帝幸其帳啓民奉觴上壽九月至東都西域諸胡多至張掖交市帝使吏部尚書裴矩掌之自是西域諸胡往來相繼所經郡縣疲於送迎糜費以万万計四年帝无日不治宮室兩京及江都苑囿亭殿雖多久而益厭詔於汾州之北汾水之源營汾陽宮五年改東京爲東都三月車駕西巡至燕支山伯雅吐屯設等及西域二十七國謁於道北置西海河源郡善且末等郡六年郭衍嘗勸帝五日一視朝无効高祖空自勤苦帝益以爲忠其在兩都及巡遊常以憎尼道

士女官自隨謂之四道姑。牧穿江南河自京南至餘杭州百餘里可通龍舟欲東巡會稽。七年帝自江都行幸涿郡

下詔討高麗敕元弘嗣往東萊海口造舡三百艘先是徵天下之兵俱會於涿又發江淮以南民夫及舡運黎陽及洛口諸倉未至涿郡往還在道常數十萬人死者相枕天下騷動。鄒平民王薄擁衆據長白山剽掠齊濟之郊自稱知世

郎言事可知矣又作无向遼東浪死歌以相感勸避征役者多歸之。八年車駕度遼高麗諸城各堅守不下初九軍度

遼凡三十万五千及還惟二千七百人資儲器械亡失蕩尽九年所在盜起多者十餘万少者數万人山東苦之。四

月礼部尚書揚玄感与諸弟作乱玄感一日二敗令弟斬殺之礫玄感口於東都市三日。十年詔議伐高麗復徵天下

兵百道俱進時天下已乱所徵兵多不至高麗亦因弊乞降帝將如東都太史令庾質諫帝怒下質獄死遂如東都

十二年正月朝集使不至者二十餘郡始議分遣使若十二道發兵討捕盜賊。内史侍郎虞世基以帝惡聞盜賊諸將

及郡縣有告敗求救者世基皆抑損表狀不以實聞由是盜上徧海内陷没郡縣帝皆弗之知也。

義寧元年煬帝至江都荒淫益甚見天下危乱意亦擾擾不自安乃營治丹楊宮將徙都之從駕驍果多謀叛歸弓

馬德戡元礼裴虔通以謀告宇文智及智及曰今天實喪隋英雄並起因行大事此帝王之業也德勘等然之以化及為

主引兵自玄武門入扶帝下閣至寢殿令狐行達遂縊殺之化及自稱大丞相總百揆以皇后令止秦王浩為帝居别宮


隋恭帝詔以十郡益唐國仍以唐王為相國總百揆。蕭銑即皇帝位東自九江西抵三峽南尽交趾北距漢川銑皆

有之勝兵四十餘万。煬帝凶問至長安唐王哭之慟五百。恭帝禪位于唐遜居代邸唐王即皇帝位。東都留守官泰

越王卬皇帝位。改元皇泰。以王卬充爲右僕射。摠督內外諸軍事。六月奉隋帝爲酈國公。九月追謚隋太上皇爲煬帝。字文化。及煬殺秦王浩。卬皇帝位於魏縣國。号許。二年。淮安王神通擊字文化。又至襄國。斬之。四月王卬充稱皇泰主。命禪位於鄭卬。卬即皇帝位。奉皇太主爲路國公。五月王卬充酖皇泰主。縊殺之。謚曰恭皇帝。

已上隋書本紀

袁氏通鑑紀事本末撮要卷之六



袁氏通鑑紀事本末撮要卷之七

高祖興唐 義寧元年 武德元年

隋恭帝義寧元年。初唐公李淵生四男，建成、世民、玄霸、元吉。

世民聰明勇決，識量過人。見隋室方亂，陰有奪天下之心。

陽宮監與晉陽令同伯文靜笑曰：時事可知。世民曰：此非常人。

憂貧賤，文靜見李、世民而異之，深自結納。謂叔曰：此非常人。

及劉武周據汾陽宮，世民言於淵曰：大人為留，帝密屬。

離宮不早建，大計禍今至矣。淵乃命世民與文靜等。

遠近赴集旬日間，近萬人文靜勸淵與突厥相結資其士馬。

以益兵，執淵從之。寂等乃請尊天子為太上皇，立代王為帝。

以安隋室，移檄郡縣遣使告突厥。西河郡不從，淵命世民將

兵擊西河，秋毫無犯。遠近聞之，大悅。遂定入關之計。淵開倉

以賑貧民，應募者日益多。七月，淵帥甲士三萬發晉陽，立

軍門，誓眾西突厥。阿史那大奈亦帥其眾以從。淵代王侑遣

宋老生帥精兵二萬屯霍邑。屈突通將驍果數萬屯河東，以

拒淵。會積雨，淵不得進。淵以書招李密，密得書甚喜，自是信

使往來不絕。八月，雨霽，淵命軍趣霍邑。建成、世民將數十騎

至城下，老生出，劉弘基就斬之，遂克霍邑。世民所至，吏民

及羣盜歸之如流。溫城尉房元齡謁世民於軍門，世民引為

謀主。十一月，淵克長安，代王在東宮，淵備法駕迎代王，即

皇帝位。大赦，改元，遙尊煬帝為太上皇。以淵為假黃鉞，使持

節，大都督內外諸軍事，尚書令，大丞相，相准封唐王，以建成為

唐世子。世民為京兆尹，秦公元吉為齊公。

唐高祖武德元年。隋恭帝詔唐王劔履上殿，贊拜不名。唐王

既克長安，以書諭諸郡縣。於是東自南洛南，及巴蜀郡縣長

吏及盜賊渠帥，氏羌酋長，爭遣子弟入見請降。三月，隋恭

帝詔以十郡益唐國，仍以唐王為相國，摠百揆。四月，煬帝

凶問至，長安唐王哭之慟。五月，恭帝禪位於唐，遜居代邸。

唐王即皇帝位于太極殿大赦改元 六月奉隋帝為鄰國公

唐平東都李密 王世充

隋恭帝義寧元年正月李密號魏公即位改元使其幕府移檄郡縣數煬帝十罪 七月淵以書招李密密自持兵彊欲為盟主且欲使淵以步騎數千自至河內面結盟約 **唐高祖**武德元年卅子建成等至東都東都閉門不出遣人招諭不應李密出軍爭之趙公卅民曰吾新定關中根本未固遂引軍還 五月煬帝函問至東都留守官奉越王卅帝位以王卅充為左僕射總督內外諸軍事卅充漸結黨接恣行威福勢震內外 李密與王卅充戰失利與衆二萬人歸關中上遣使迎勞十月密至長安有司供待稍薄意甚不平獨上親禮之常呼為弟 上使李密迎秦王卅民於幽州密自恃智畧功名見上猶有傲色及見卅民不覺驚服曰真英主也 李密自負歸國之功鬱鬱不樂乃獻策於上曰山東之衆皆臣伏蹙下請往收而撫之取卅充如拾芥耳上以王伯當為密副而遣之 十二月李密分其麾下之半留華州將其半出關張寶德上封事言其必叛乃降敕書令密單騎入朝更受節度密怒因執使者斬之遂據桃林縣城驅掠徒衆直趣南山乘險而東盛彥師即帥衆踰熊耳山南據要道李密擁衆徐行彥師擊斬密及伯當傳首長安 二年時河南之地皆入卅充唯杞州刺史李公逸為唐堅守 上議擊王卅充卅充聞之遷諸州鎮驍勇皆集洛陽 卅民以五百騎行戰地登魏宣武陵王卅充帥步騎萬餘猝至圍之屈突通引大兵繼至卅充兵大敗僅以身免 四年唐兵圍洛陽城中乏食竇建德救之建德數戰不利卅民囚建德等至洛陽城下以示卅充卅充素服帥太子羣臣詣軍門降

唐平河朔竇建德

恭帝義寧元年竇建德為壇於樂壽自攝長樂王置百官
改元 詳見義寧紀

唐高祖 武德元年有大鳥五集于樂壽群鳥數万從之經日
乃去竇建德以為已祥改元五鳳國號曰夏 四年唐兵圍
洛陽城中乏食竇建德救之世民將驍騎出武牢東建德迫
於武牢不得進數戰不利建德中與楊武威下擒之建德將
士皆潰去世民囚建德等至洛陽 詳見唐高祖紀

唐平隴右 薛季

隋恭帝 義寧元年薛季劫金城令郝瑗發兵囚郡縣官開倉
販施自稱西秦霸王七月薛季自稱秦帝徙都天水 詳見恭帝紀

唐高祖 武德元年郝瑗言於薛季曰今唐兵新破關中騷動
宜乘勝直取長安幸然之會有疾而卒子仁果立居於折檻
城 秦王世民至高麗仁果使宗羅喉將兵拒之世民知仁
果將士離心命梁實營於淺水原以誘之羅喉不從攻梁實
世民引大兵出其不意羅喉士卒大潰仁果入城拒守大軍
繼至遂圍之仁果計窮出降世民所得降卒悉使仁果兄荒
及宗羅喉等將之與之射獵无所疑間賊畏威銜恩皆願效
死 以上詳見高祖紀

唐平河東 劉武周

隋恭帝 義寧元年劉武周據汾陽宮 詳見恭帝紀

唐高祖 武德二年劉武周進逼并州齊王元吉奔州奔還長
安晉陽士豪薛深以城納武周 三年劉武周聞宋金剛敗
大懼弃并州走突厥世民至晉陽武周所署僕射楊伏念以
城降武周所得州縣皆入于唐 詳見高祖紀

唐平江陵 蕭銜

唐高祖 武德元年蕭銜即皇帝位置百官東自九江西抵三
峽南及交趾北距漢川銜皆有之勝兵四十餘万 四年詔
發巴蜀兵以趙郡王孝恭李靖統十二總管自夔州順流而

下廬江王瑗出襄州道田卅康出辰州道周法明出夏口道以擊蕭銑蕭銑以江水方漲殊不為備孝恭等拔其荆門宜都二鎮進至夷陵銑將文士弘悉兵出拒戰靖縱兵奮擊大破之直抵江陵銑乃下令開門出降孝恭送銑於長安斬於東市

武韋之禍 正觀十二年 景雲元年

唐太宗 正觀二十二年太史占云女主昌民間又傳秘記云唐三世之後女主武王代有天下上會諸武臣宴宮中使各言小名李君羨自言名玉娘上愕然又以君羨官稱封邑皆有武字深惡之後君羨坐誅

高宗 永徽五年上之為太子也見才人武氏而悅之太宗崩上納之後宮未幾大幸拜為昭儀后及淑妃寵皆衰由是有廢立之志 六年下詔廢王皇后蕭淑妃為庶人命司空李勣賈瓌綬冊皇后武氏 顯慶元年以皇太子忠為梁王梁

州刺史立皇后子代王弘為皇太子生四年矣 二年許敬宗李義府希皇后旨誣奏侍中韓瑗中書令來濟與褚遂良潛謀不軌瑗坐貶振州刺史濟貶台州刺史終身不聽朝覲又貶褚遂良為愛州刺史明年卒 四年許敬宗誣奏韋季

方欲與長孫无忌伺隙謀反詔削无忌太尉及封邑黔州安置敬宗逼令自縊籍其家 五年上苦風眩頭重目不能視百僚奏事上使皇后決之由是權侷人主矣 麟德元年武

后得志專作威福天子拱手而已中外謂之二聖 上元二年太子弘仁孝謙謹禮接士大夫中外屬心天后方逞其志天后醜之也立雍王賢為皇太子 永隆元年廢太子賢為庶人立英王哲為皇太子 弘道元年前中宗即位尊王

后為皇太后政事咸取決焉 中宗欲以后父韋光宅元年立太子妃韋氏為皇后

玄貞為侍中裴炎固爭中宗怒炎懼曰太后密謀廢中宗為廬陵王幽於別所流玄貞於欽州立豫王旦為皇帝政事決於太后居睿宗於別殿睿宗也不得有所預時諸武用事唐宗室人人自危會李敬業及牟敬獻唐之奇駱賓王杜求仁魏思溫各坐事遭貶皆會於揚州八謀作亂以匡復廬陵王為辭思溫為之謀主敬業自稱匡復府上將領揚州大都督府旬日間得勝兵十餘萬移檄州縣太后遣李孝逸將兵三十萬以討李敬業其將王那相斬敬業敬獻及駱賓王首來降垂拱二年太后自徐敬業之反疑天下人多圖已欲大誅殺以威之乃盛開告密之門四年太后潛謀革命稍誅宗室於是韓魯等諸王皆自殺親黨皆誅天授元年太后御則天樓赦天下以唐為周改元上尊號曰聖神皇帝以皇帝為皇嗣賜姓武氏立武氏七廟于神都聖曆元年皇嗣固請遜位于廬陵王太后許之九月立廬陵王哲為皇太子復名顯

子復名顯

神龍元年太后傳位于太子中宗即位太后徙居上陽宮帝帥百官上太后尊號曰則天大聖皇帝復號曰唐立妃韋氏為皇后十一月則天崩于上陽宮二年立衛王重俊為皇太子景龍元年皇后以太子重俊非其所生惡之武三思尤忌太子安樂公主又言於上請廢太子太子積不能平七月太子與李多祚等殺武三思武崇訓上斬多祚太子走為左右所殺

景雲元年馬秦客以醫術楊均以善言調得幸於韋后

恐事泄被誅安樂公主欲韋后臨朝自為皇太女乃相與合謀於餅餠中進毒六月中宗崩韋后秘不發喪自摠庶政立溫王唐茂為皇太子皇后臨朝攝政殤帝即位尊皇后為皇太后相王子臨淄王隆基謀匡復社稷斬關而入韋后惶惑走有飛騎斬其首獻於隆基安樂公主照鏡畫眉軍士斬之

補索諸韋比曉內外皆定遂迎相王入輔以帝少帝傳位于相王睿宗即位

史之亂

開元廿四年 廣德元年

管元宗開元二十四年張守珪使平盧討擊使安祿山討奚契丹叛者祿山為虜所敗守珪奏請斬之惜其驍勇執送京師張九齡曰臣觀其貌有反相不殺必為後患上竟赦之安祿山者本營州雜胡父死母攜之再適突厥安延偃故冒姓安氏名祿山又有史空于者以祿山同里閉以驍勇聞累遷將軍賜名思明 二十八年平盧真馬使安祿山傾巧善事人人多善之由是上益以為賢以為營州都督 天寶元年分平盧別為節度以安祿山為節度使 二年安祿山上寵待甚厚謁見無時 三載以祿山兼范陽節度使席建侯為河北黜陟使稱祿山公直李材庫裴寬皆順旨稱其善二人皆上所信任由是祿山之寵益固 六載以祿山兼御史大夫祿山出入禁中因請為貴姓甲 祿山潛畜異志詎以禦寇築雄武城大貯兵器 九載賜祿山爵東平郡王 十一載祿山兼領三鎮日益驕恣有輕中國之心 十二載揚國忠為相祿山視之蔑如也由是有隙 十三載安祿山入朝太子知祿山必反言於上上不聽 三月祿山辭歸范陽人皆知其將反無敢言者 十四載祿山發所部十五萬眾反於范陽所過州縣望風瓦解 祿山陷東京 至德元載祿山自稱大燕皇帝改元聖武 上命郭子儀進取東京子儀薦李光弼為河東節度使分朔方兵萬人與之光弼至常山常山兵執史思明出降史思明入九門子儀至相陽思明隨至子儀出戰于嘉山大破之祿山大懼議棄洛陽走歸范陽 上懼召宰相謀之楊國忠首唱幸蜀之議上然之至咸陽將士皆憤以禍由楊國忠殺之上慰勞軍士令收隊軍士不應上乃命引貴妃縊殺之於是始整部伍為行計

上將發馬嵬父老皆遮道請留上乃命太子於後軍諭父老父老共擁太子馬不得行上乃命分後軍二千人從太子且諭將士曰汝曹善輔佐之太子至烏氏關監牧馬得數萬匹又募士得五百人軍勢稍振七月太子至靈武裴冕杜鴻漸等上太子牋請尊馬嵬之命即皇帝位牋五上太子許之於是日即位尊元宗曰上皇天帝改元至德諸道知上即位於武靈徇國之心益堅矣靈武使者至蜀上皇喜曰吾兒應天順人吾復何憂九月以廣平王俶為天下兵馬元帥諸將皆屬焉

安祿山 至德二載祿山變妾生子慶恩欲以代慶緒為後慶緒懼聞駭奔梓兒入帳斫祿山腹遂死慶緒即位安慶緒以

史思明為范陽節度使先是安祿山得兩京珣化員悉輸范陽思明擁彊兵據冀益驕橫浸不用慶緒之命慶緒不能制

九月廣平王俶與郭子儀等克復西京十月俶與子儀等克復東京安慶緒奔河北十二月上皇至咸陽上備法

駕迎於望賢宮請避位還東宮上皇不許史思明囚安慶緒使者降乾元元年史思明復叛八月命郭子儀討安

慶緒二年史思明誘安慶緒殺史思明自稱大燕皇帝七月上召子儀還京師以李光弼代為朔方節度使十月

思明攻河陽光弼諸將致死擊之賊眾大潰思明乃遁上元元年史思明入東京二年史思明猜忍好殺朝義其長

子也元寵其部將駸悅為囚思明縊殺之朝義即帝位上見廣德元年史朝義屢戰皆敗遂與胡騎數百欲北入奚契丹李懷仙追及之朝義窮蹙縊於軍中懷仙取其首獻於

京師詳見前卷

憲宗平蜀 劉闢 永正元年 元和元年

劉闢 永正元年西川節度使南康武王章臯薨副使劉闢自為留後表求節鉞朝廷不許徵為給事中闢不受徵阻兵

自守十二月以闢為西川節度副使知節度事上以初即位力未能討故也草舟上疏以為今釋闢不誅則朝廷可以指臂而使者惟兩京耳此外誰不為叛上善其言以丹為東川節度使

憲宗元和元年正月劉闢既得旌節志益驕求兼領三川上不許闢遂發兵圍東川節度使李康於梓州上欲討闢杜黃裳曰高崇文勇畧可用願陛下專以軍事委之闢必可擒上從之命高崇文為前軍李元弈為次軍與嚴勵同討闢劉闢陷梓州執李康三月崇文入屯梓州闢歸李康於崇文以求自愛崇文以康敗軍失守斬之嚴勵奏克梓州制前奪劉闢官爵九月高崇文又敗劉闢之眾於鹿頭關長驅直指成都所向崩潰辛亥克成都劉闢奔吐蕃崇文使高霞寓等追及擒之一境皆平

憲宗平吳 李錡 憲宗十五年 元和元年

憲宗正元十五年以常州刺史李錡為浙西觀察使諸道益鐵轉運使十七年李錡既執天下利權以貢獻固上恩又以饋遺結權貴恃此驕縱无所忌憚浙西布衣崔善貞上封事言錡不法事上不悅命械送錡生瘞之

憲宗元和二年李錡求入朝上許之錡實无行意請至歲暮入朝上詔樹之錡詐窮遂謀反十月制前李錡官爵以王錡討之李錡以宣州富饒欲先取之遣兵馬使張子良李奉仙田少卿將兵三千襲之三人知錡必敗同謀討之錡聞子良等率兵抵膺曰吾何望矣跣足匿樓下左右執錡送京師十一月錡至長安并其子師回腰斬之

魏博節朝 田元正 元和七年 十四年

憲宗元和七年魏博節度使田季安薨諸將立其子懷諫為副使知軍務時年十一幼弱軍政皆決於家僮衆皆忿怒田興晨入府士卒大譟環與四拜請為留後與度不免乃迁懷

諫於外監軍以狀聞上以興為魏博節度使制命至魏州吳
感恩流涕士軍無不鼓舞十一月遣衣度至魏博宣博以
錢百五十萬緡賞軍士六州百姓給復一年軍士受賜歡聲
如雷八年賜魏博節度使田以名弘正十四年田弘正
入朝上待之尤厚

憲宗討成德 王承宗 元和十五年

德宗 正元二十年昭義節度使李長榮寇上遣中使以手詔
授本軍大將但軍士所附者即授之時大將來希皓為衆所
服中使將以手詔付之希皓固辭時兵馬使盧從史曰從史
請且勾當此軍捧詔再拜舞蹈八月詔以從史為節度使
四年上欲董河北諸鎮田襲之襲乘王士真死欲自朝廷除
人不從則興師討之左軍中尉吐突承瓘欲希上意自請將
兵討之十月制削王承宗官爵以吐突承瓘將神策兵發
長安命忻州四面藩鎮各進兵招討五年吐突承瓘与王
承宗戰屢敗 秋七月王承宗遣使自陳為盧從史所離間
乞輸貢賦請官吏朝廷亦以師义无功制洗雪承宗以為成
德軍節度使悉罷諸道行營將士 十年詔數王承宗罪惡
絕其朝貢 十五年王承宗薨從田弘正為成德節度使以
王承元為義成節度使

表氏通鑑紀事本末撮要卷之八

憲示平淮蔡 吳元齊 德宗前吳少微

德宗正元二年淮西兵馬使吳少誠殺陳仙奇自為留後

十五年吳少誠據境拒命數遣兵侵掠郡縣詔削少誠官爵
今諸道准兵討之 十六年詔赦少誠及彰義將士復其官

爵 曰見德宗

德宗元和四年吳少誠薨吳少陽自為留後 六年以彰義
留後吳少陽為節度使 九年吳少陽薨其子元濟匿殺自

領軍務少陽判官吳元濟先奏事在長安具以淮西虛實及
取元濟之策告李吉甫請討之於是李光顏為節度使嚴

綬為申光蔡招撫以督諸道兵詔討吳元濟 十年遣中
丞裴度詣行營宣慰察用兵形勢還言淮西必不可取之狀且

曰觀諸將李光顏勇而知義必能立功上悅 李光顏奏敗
淮西兵於時曲上以裴度為知人 上自李吉甫薨重以用

兵委武元衡李師道所養客說師道曰天子所以銳意誅蔡
者元衡贊之也讀密往刺之六月天未明元衡入朝有賊自

暗中殺之又擊裴度傷其自上於是悉以用兵事委度討賊
愈急 十二年以太子詹事李愬為唐鄧隨節度使淮西人

輕愬名位素微遂不為備 三月吳秀琳以文城柵降于李
愬愬與秀琳謀取蔡秀琳曰非得李祐不可愬使史誠用擒

之待以客礼 六月以裴度充淮西宣慰招討處置使度將
行言於上曰臣其賊滅則賊天有期賊亡則歸闕亡日上為

之流涕 九月李祐言於李愬曰蔡之精兵皆在回曲及四
境拒守可以乘虛直抵其城愬然之夜半發軍行七十里至

州城自吳少誠拒命官軍不至蔡州城下三千餘年故蔡人
不為備四鼓愬至城下李祐李忠義先登壯士眾從之鷄鳴入

居元齊外宅元濟懼於城上請罪梯而下之搯送京師裴度
入城李愬出迎拜於路左度下令惟禁盜賊聞殺蔡人始知

有生民之樂。

上詳見憲宗紀

憲宗計淄青

李師道元和四年四十年

李吉甫薨重以用兵事委武元衡李師道所養客說師道曰天子所以銳意誅蔡者元衡贊之也請密往刺之元衡死則他相不敢主其謀爭勸天子罷兵矣師道以為然資給遣之既而捕盜知殺武元衡者乃師道也上方討吳元濟絕王承宗故未暇治師道十二年淮西既平李師道憂懼不知所為遣使奉表獻沂密海三州上許之師道妻不欲其子入質言於師道師道大悔上怒決意討之十四年李愬田弘正屢敗李師道兵都知兵馬使劉悟勒兵捕師道與其二子斬之函首送弘正營弘正露布以聞淄青十二州皆平

潘鎮之亂

光啓元年

德宗光啓元年初田令孜在鳳翔募新軍五十四都每都千人分隸兩神策為十軍以統之先是安邑解縣兩池監皆隸鐵置官權之中和以來河東節度使王重榮專之歲獻三千車以供國用令孜奏復舊制自兼兩池權監使收其利以贖軍重榮上章論訴不已令孜從重榮為泰寧節度使重榮榮肯之兗州累表許令孜離間君臣數令孜十罪求救於李克用克用引兵赴之表請誅令孜十二月克用進逼京城令孜夜奉天子自開遠門出幸鳳翔二年正月李用還軍河中與王重榮同表請大駕還宮田令孜請上幸興元上不從是夜令孜引兵入宮劫上幸寶雞時令孜弄權再致播遷天下共忿疾之末致李昌符亦恥為之用上發寶雞入散關朱玫已圍寶雞長驅進攻散關不克嗣襄王煝肅宗之元孫也有疾仁上不及為攻所得與之俱還鳳翔三月車駕至興元琰逼鳳翔百官奉襄王煜權監軍國事長安百官勸

進於襄王温。温即皇帝位。遙尊上為太上元皇帝。楊復恭傳檄關中。稱得朱玫首者。以靜難節度使賞之。玫將王行瑜戰數敗。恐獲罪。玫方視事。行瑜擒斬之。諸軍大亂。襄王温奔河中。王重榮詐為迎奉。執温殺之。詔以行瑜為靜難節度使。文德元年。上疾復作。皇弟古王保長而賢。羣臣屬望。千軍觀軍容。使楊復恭請立其弟壽王傑。是日下詔立傑為皇太子。監軍國事。癸卯。上崩于靈符殿。太子准軍名敏即位。

昭宗 龍紀元年。上祀圓丘。宦官始服劔佩侍祠。上在藩邸。

素疾宦官。及即位。揚復恭持援立功。所為多不法。上意不平。朱全忠求領鹽鐵。孔緯獨執以為不可。全忠乃止。乾寧

二年。王行瑜李茂貞韓建各將精兵數千入朝。至京師坊市。民皆竄匿。上御安福門。以侍之三帥盛陳甲兵。上與三帥宴。

三帥奏稱。南北司互有朋黨。韋昭度討西川失策。李谿作相。不合衆心。請誅之。上未之許。是日行瑜等殺昭度。谿於都亭

驛。又殺樞密使唐尚弼。及宦官數人。乃還鎮。三年。李茂貞犯京師。帝幸華州。茂貞遂入長安。宮室市肆燔燒俱尽。光

化元年。赦李茂貞。八月。車駕還京。

昭宗 光化二年。初。崔胤與上密謀。不誅宦官。及樞密使宋道

弼。景務脩等。皆賜自尽。宦官益懼。中尉劉季述。薛齊偓。王仲

先。樞密使王彥範等。陰謀廢立。上獵苑中。夜醉歸。適少陽院

季述乃鎖其門。矯詔太子裕監國。季述使即位。以帝為大上

皇。崔胤密遣人說神策軍指揮使孫德昭誅季述等。天復元

年。王仲先入朝。孫德昭擒斬之。崔胤乃令上御長樂門。樓帥百官稱賀。周承海擒劉季述。王彥範繼至。為亂。挾所繫薛齊偓赴井。死。滅四人之族。以韓全海張彥弘為左右中尉。表易簡。周敬容為樞密使。崔胤請上。不誅宦官。韓全海涕泣求

哀於上胤知謀泄事急遣朱全忠書令全忠以兵迎車駕全忠得書十月太宗兵發大梁朱全忠至河中表請車駕幸東都韓全誨等請幸鳳翔上不得已乃與皇后妃嬪皆上馬全誨等遂火宮城車駕幸鳳翔二年朱全忠進攻鳳翔上乃召李茂貞議與全忠和二年李茂貞獨見上請誅全誨等與朱全忠奉車駕還京上喜即收全誨等斬之以第五可範仇承坦為左右中尉車駕出鳳翔幸全忠營入長安全忠以兵驅第五可範以下數百人於殺之止留黃衣幼弱者三十人備酒掃以崔胤兼判六軍十二衛事天祐元年朱全忠密表崔胤專權亂國并其黨鄭元規等皆誅之請上遷都洛陽欲立幼君易謀胤代乃遣李振至洛陽與玄暉等夜入宮弑之立輝王為皇太子於柩前即位時年十二

後唐滅梁國號至元年

梁太祖開平二年晉王珣發於首病篤命其弟克寧監軍張

承業大將李存璋吳球等立其子存勗為嗣存勗襲位以李存璋為河東軍城使晉王與諸將謀曰上黨潞州河東之藩蔽無上黨是無河東也且朱溫所憚者獨先王耳聞吾新立以為童子未開軍旅必有驕怠之心若簡精兵倍道趣之出其不意破之必矣晉王大閱士卒帥周德威等發晉陽進兵直抵夾寨梁軍无斥候不意晉軍之至周德威李嗣源分兵為二道鼓譟而入梁兵大潰帝聞夾寨不守大驚既而歎曰生子當如李亞子克用為不亡天乾化元年趙玉鎔以梁將楊師厚將兵屯邢州甚懼會晉王于承天軍晉王曰朱溫之惡極矣天將誅之雖有師厚輩不能救也脫有侵軼僕自帥眾當之叔父勿以為憂由是晉梁之交遂固二年

堦增其謂近臣曰我經營天下三十年不意太原赫孽更曰
熾如此也謂晉也吾觀其志不小夫復奪我年我死諸兒非彼敵
也吾无葬地矣固哽咽絕而復蘇二年晉王聞河水合曰
用兵數歲限一水不得度今水自合天贊我心亟如魏州
四年晉兵侵掠至鄆淮而還五年晉王如魏州發徒數万
廣德勝武城日与梁人爭大小百餘戰互有勝負龍德元
年蜀主昱主嬰以書勸晉王稱帝乃令有司市玉造法物黃
巢之破長安也魏州僧傳真之師得傳国玺藏之四十年至
是乃誦行臺獻之

後唐 同光元年晉王築壇於魏州牙城之南夏四月已
巳升壇登正位帝遂即皇帝位国号大唐大赦改元時唐国
所有凡十二節度五十州帝聞梁人欲大率數道入寇召
諸將會議耶悉韜曰成敗之機決在今歲梁人悉精兵援段
凝據我兩節段凝本非將材无足畏降者皆言大梁无兵為

主授首則諸將自降矣帝曰此正合朕意十月帝以大軍沿
河至鄆州遇梁兵一戰敗走追至中都圍其城梁兵皆潰出
擒王彦章斬之康延孝亟請取大梁帝從之諸軍皆踴躍
行梁主謂皇甫麟曰李氏吾世讎理難降首不可俟彼刀鋸
卿可斷吾首麟泣速弑梁主因自殺帝自入梁門百官迎謁
於馬首拜伏請罪帝慰勞之訪求梁主項之或以其首獻詔
漆之藏於太社

石晉篡唐 清泰元年 天福元年

後唐 清泰元年帝与石敬瑭皆以勇力善鬪事明宗為
左右然心競素不相悅帝即位敬瑭不得已入朝山陵既畢
不敢言歸時敬瑭久病羸瘠帝見其骨立不以為慮乃復以
為河東節度使

後晉 高祖 天福元年石敬瑭入收其質歸晉陽人皆知其有
異志 初帝欲使敬瑭移鎮鄆州李穀等皆以為不可薛文

遇曰河東移亦反不移亦反不若先事圖之帝大喜悉維翰
曰契丹主部落近在雲應公誠能推心屈節事之萬一有恙
朝呼夕至敬瑭意遂決表帝養子不應承祀請傳位許王帝
手裂其表率諸將討之敬瑭遣使求救於契丹契丹主將五
萬騎至晉陽與唐騎將高行周等合戰敬瑭敗遣劉知遠出
兵助之唐兵大敗敬瑭等收餘眾保晉安遣使告敗于唐唐
主大懼下詔親征十一月契丹主謂石敬瑭曰觀汝氣貌
識量真中原之主吾欲立汝為天子敬瑭辭讓數四將吏復
勸進乃許之契丹主作冊書命敬瑭為大晉皇帝祭壇于柳
林是日即皇帝位割幽薊等十六州以與契丹歲輸帛二十
萬匹改長興七年為天福元年楊光遠斬張敬瑭首以晉
安降契丹李崧勸唐主南遷唐主從之唐主又與宋審
虔等四將議復向河陽而將校皆已飛狀迎帝唐主遂與晉
太后劉皇后等攜傳國璽登玄武樓自焚帝入洛陽止于舊
第唐兵皆解甲行罪帝慰而釋之

契丹滅晉 劉知遠吳漢附 天福五年 天福七年

後晉 天福五年 初帝割鴈門之比以賂契丹由是吐谷
渾皆屬契丹苦其貪虐思歸中國成德節度使安重榮復誘
之於是吐谷渾帥部落千餘帳自五臺來奔契丹大怒遣使
讓帝以招納叛人六年正月帝遣供奉官張澄將兵二千
索吐谷渾在并鎮忻代四州山谷者逐之使還故土成德
軍節度使安重榮取臣契丹契丹使過其境或潛遣人殺之
契丹以讓帝帝以詔諭安重榮重榮得詔愈驕十二月安
重榮率兵反七年鎮州牙將導官軍入城執安重榮斬之
帝命漆其首函送契丹六月帝殂齊王即皇帝位初高
祖疾亟有旨召河東節度劉知遠入輔政齊王寢之知遠由
是怨齊王帝之初即位也人臣議奉表稱臣生哀於契丹
景延廣請致書稱孫而不稱臣帝從延廣議契丹大怒遣使

來責讓延廣復以不遜語答之契丹慮龍節度使趙延壽欲代晉帝中國屢說契丹擊晉契丹主頗然之

已上詳見高祖紀

齊王天福八年河東節度使劉知遠知景延廣必致寇而畏其方用事不敢言但募兵奏置興捷武節等十餘軍以備契丹 初高祖以馬三百借平盧節度使楊光遠景延廣以詔命取之光遠怒密告契丹以晉主負德境內大饑一舉可取趙延壽亦勸之契丹主乃集山後及寧龍兵五萬人使延壽將之委延壽以經畧中國 開運元年趙延壽趙延照將兵五萬人寇陷貝州 契丹之入寇也帝再命劉知遠會兵山東皆後期不至帝疑其有異圖 二年契丹復大率入寇帝至澶州馬全節等諸軍以次北上 三年十二月契丹主大舉入寇自易定趣常州帝以杜威為上將威性怯懦但日置酒作樂罕議軍事帝欲自將北征李彥韜諫止杜威與李守貞宋彥筠謀降契丹威潛遣腹心詣契丹牙將邀求重賞契丹主給之威喜遂降張彥澤夜度白馬津斬關而入城中大擾帝於宮中起火自携劍驅後宮十餘人將赴火俄而彥澤傳契丹主與太后書慰撫之帝乃滅火彥澤迁帝於開封府

已上詳見齊王紀

後漢

高祖

天福十二年正月契丹主至大梁以晉王為負義

侯置於黃龍府 契丹主廣受四方貢獻大縱酒作樂縱胡騎四出以牧馬為名分番剽掠謂之打草穀自東西兩畿及鄭滑曹濮數百里間財畜殆括借都城士民錢帛又分詣諸州括借人不聊生於是內外怨憤皆思逐之矣 劉知遠在河東富彊冠諸鎮步騎至五萬人契丹入汴知遠分兵守四境以防侵軼於是將佐勸知遠稱尊號以號令四方知遠不許軍士呼萬歲不已郭威與楊邠入說知遠從之二月即皇帝位自言未忍改晉國又惡開運之名乃更稱天福十二年 東方羣盜方起契丹主曰我不知中國之人難制如此

召晉百官諭之曰天時向暑欲暫至上國省太后三月發大梁四月至臨城得疾卒帝發太原自晉陽安行入洛及汴兵不血刃至洛陽命郭從義先入大梁清宮帝至大梁復以汴州爲東京改國號曰漢仍稱天福年曰余未忍忘晉也

已上並詳見後卷高祖紀

郭威篡漢 起乾祐元年 廣順元年

後漢高祖 乾祐元年帝大漸召蘇逢吉楊邠史弘肇郭威入受顧命曰承祐幼弱後世託在卿輩二月立皇子承祐爲周王即皇帝位時年十八

隱帝 乾祐二年帝浸驕縱與左右狎暱太后屢戒之帝不以爲意二年帝自即位以來楊邠總機政郭威王征伐史弘肇典宿衛二章掌財賦以是國家粗安帝左右嬖倖浸用事邠等屢裁抑之帝年壯厭爲大臣所制積不能平左右因乘間譖之於帝云邠等專恣終當爲亂帝信之邠等入朝有甲士數十自廣政殿出殺邠弘肇章於東無下帝遣供奉官賈密詔詣澶州及鄴都令李洪義殺王殷郭崇威曹威殺郭威使者至澶州李洪義畏懦引孟業見殷殷囚業遣使以密詔示郭威威召郭崇威曹威及諸將告以楊邠等寃死及有密詔之狀且曰諸公已死吾何心獨生君輩當奉行詔策取吾首以報天子郭崇威等皆泣曰天子幼冲此必左右羣小所爲願從公入朝自誣湯滌鼠輩以清朝廷郭威乃留其養子榮鎮鄴都命郭崇威將騎兵前驅自將大軍繼之至封丘人情恟懼帝與從官數十人宿於七里寨餘皆逃潰帝策馬至趙材爲亂兵所殺威自迎春門入太師馮道帥百官謁見威威見猶拜之道受拜如平時徐曰侍中此行不易郭威帥百官詣明德門起居太后請早立後君太后諾而帝弟河東節度使崇之子武寧節度使贊即皇帝位鎮州邢州奏契丹入寇太后敕郭威將大軍擊之將發將士數千人忽大譟曰

曰天子須侍中自爲之將士已與劉氏爲仇不可立也或裂黃旗以被威體共扶抱之呼萬歲因擁南威行威乃上太后牋贊已至宋州太后誥發斌爲湘陰公以侍中威監國百官藩鎮相繼上表勸進

以上並見後漢隱帝紀

太祖廣順元年正月丁卯漢太后下誥授監國符寶即皇帝位國號曰周改元大赦

詳見太祖紀

袁氏通鑑紀事本末撮要卷之八終



圖書在版編目(CIP)數據

袁氏通鑑紀事本末撮要/[宋]蔡文子輯.—北京:北京
圖書館出版社,2002.10

(中華再造善本)

ISBN 7-5013-1963-4

I. 袁… II. 蔡… III. 中國—古代史—紀事本末體—
戰國時代—五代 IV. K230.44

中國版本圖書館CIP數據核字(2002)第078605號

ISBN 7-5013-1963-4



9 787501 319633 >

書名 袁氏通鑑紀事本末撮要(全二冊)
著者 [宋]蔡文子 輯

出版 北京圖書館出版社(100034 北京市西城區文津街7號)

Tel:(010) 66126153 Fax:(010) 66174391

E-mail:blstxbx@publibl.nlc.gov.cn

Website:www.nlcpress.com

造紙 華寶齋
印刷 杭州富陽古籍印刷廠

開本 八

印張 二十一·七五

版次 二〇〇二年十月第一版第一次印刷

印數 一—五〇〇

書號 ISBN 7-5013-1963-4/K·425

